

浮

邱

子

浮邱子卷之八

益陽湯鵬海秋著

訓名上

浮邱子曰名可倚杖乎而不聞陽春之曲和者必寡盛名之下其實難副乎豈唯難副又大枝雕破碎之乎詩曰維鵲在梁不濡其翼彼其之子不稱其服是故有以今之人冒古之人有以今之人冒古之文霍光冒伊尹而不終其譽王莽冒周公而不鏡其裏曹操冒文王而不根其素王導冒管夷吾而不詳其用是謂以今之人冒古之人張禹冒論語而文其佞胡廣冒中庸而濟其柔祝欽明冒五經而售其鄙林栗冒易西銘而騁其毒是謂以今之人冒古之文求其毋冒者而未流之世不可必得是何也陰陽之氣日剝一日則斯代斯人之心日奇一日斯代斯人之心日奇一日則是非有立之故日巧一日是故冒俞巧則名俞浮名俞浮則實俞削實俞削則罪俞叢罪俞叢則世俞梗謔惡在其可

以倚仗乎然則名可毋倚仗乎而不聞禾秀其穎則實結人洪其道則名歸乎豈唯薦紳士族歸之又極之尊庫中外而孰不慶勉尊敬之乎詩曰我有嘉賓德音孔昭視民不佻君子是則是敝是故兩漢之雄而禮孔子拓跋之麤而亦禮孔子趙宋之仁而禮孔子蒙古之陋而亦禮孔子孔子道之宗而名之摠也天地所不能通者唯孔子之道足以通之天地所不能治者唯孔子之名足以治之豈唯孔子爾乃學孔子而不至於孔子者其道其名猶有所能通之治之是故行乎荒裔聽俗之國則司馬入相契丹款其邊吏胡銓抗疏女真聞而失色行乎忮心媚體之君則孝儒杖節文皇倖其弗死守仁講學武宗明其不鉅是故其學尊則其道尊其道尊則其名尊其名尊則其身尊其身尊則其世尊意惡在其不可以倚仗乎是故倚仗名者厥失十毋倚仗名者厥失十所謂倚仗名者厥失十一曰循辨諛信信不符辨二曰循行諛忠忠不

符行三日循學課事事不符學四日循材課理理不符材五日循智課  
察察不符智六日循勇課舉舉不符勇七日循仁課愛愛不符仁八日  
循義課果果不符義九日循素課廉廉不符素十日循激課恥恥不符  
激所謂毋倚杖名者厥失十一日厥奇取庸庸乃遲顛二日厥銳取柔  
柔乃奸滑三日厥辨取訥訥乃塞塞四日厥文取模模乃黷濫五日厥  
狂取靜靜乃偽似六日厥直取曲曲乃遁移七日厥前取卻卻乃戾墮  
八日厥獨取羣羣乃雜汙九日厥故取新新乃蠹競十日厥儒取俗俗  
乃提侵是故女不必皆豔第脂其粉膩之工輒曰西施南威復出惡知  
其然而不然也草不必皆詖木不必皆擁腫拳曲第睹蒺藜樗櫟輒曰  
天下無香草名木焉惡知其不爲己有也契舟而求劍守株而待兔惡  
知其非必得之數也因噎而廢食因悖而廢息惡知其制乃短長之命  
也於乎此今之論名之通病也易曰翰音登于天詩曰鶴鳴于九皋聲

聞于天鈞之于天也而難豈鶴之比乎是何也難非登天之物則易以爲難貞而幽鶴鳴宜聞于天則詩人以爲誠之不可掩鷄可以不登天而拔之使登天則天下以爲無根而驕騰鶴可以聞于天而更擠隆之使不得聞于天則天下以爲有所堙鬱悲叱而不得盡其情是故秦杖李斯可駭漢杖鼂錯可駭唐杖朱朴可駭宋杖郭京可駭明杖魏藻德可駭曷駭乎爾以其無根而驕騰也楚判屈原可惜漢判賈誼可惜唐判劉蕡可惜宋判陳亮可惜明判黃道周可惜曷惜乎爾以其有所堙鬱悲叱而不得盡其情也是故君子講於四至之術而已矣四至之術維何一日讀書攷理知法知戒法戒至然後是非析二曰清心寡欲知存知過存過至然后可否嚴三曰察言觀色知表知裏表裏至然后憂惡常四曰引繩就墨知短知長短長至然后功罪必是故君子能修身然后能知人能知人然后能度實能度實然后能收名能收名然后能

理家理國理天下春秋傳曰令名德之興也德國家之基也是故名之  
在家國天下如元圭寶鼎之在宗祏布帛菽粟之在黎烝也宗祏無元  
圭寶鼎則物不貴物不貴則禮不共黎烝無布帛菽粟則俗不宜俗不  
宜則軀不活以家國天下之大無實至名歸之人則衆不屬衆不屬則  
功不成是故伊尹起於莘野尙父過於渭濱堯仲脫因韓信登壇諸葛  
不老於南陽景畧無比於江東之數人者以名收以實償少正卯慘於  
魯盆成括死於齊趙括徒讀父書殷括實喪晉師房次律不紓唐室之  
憂王介甫大爲宋政之蠹之數人者以名收以實償爲其以名收以實  
償也則曰實之功也匪特實之功也不名固不足以實其實也爲其以  
名收以實償也則曰名之罪也匪特名之罪也不實固不足以名其名  
也曷謂不名不足以實其實也孔子曰吾豈匏瓜也哉焉能繫而不食  
其謂此也曷謂不實不足以名其名也孟子曰七八月之間雨集溝澮

皆盈其涸也可立而待也其謂此也是故古之享名者在潛居獨處之  
先明做大驗之後今之享名者在高官厚祿之後苟且彌縫未敗露之  
先此名之底裏所由一深一淺也古之嚴名者以天地最初之心公道  
維持之力今之嚴名者以捨天從人之心私智彊辨倒竄之力此名之  
光景所由一升一降也偏至之好不足騁也寡恕之憎不足斷也尋人  
於跡不足必也度人於臆不足入也是故君子不用有實之名槩名不  
用無實之名廢名用有實之名槩名勢必非其人而反奉之用無實之  
名廢名勢必當其人而反忽之非其人而反奉之謂之市當其人而反  
忽之謂之瞽是故君子不用眾舉之名陟人不用眾毀之名絀人用眾  
譽之名陟人勢必逐其流而溺之用眾毀之名絀人勢必快其忿而雪  
之逐其流而溺之謂之頌快其忿而雪之謂之俠是故君子不用習見  
之名信人不用驟聞之名疑人用習見之名信人勢必拘定格之說以

充之用驟聞之名疑人勢必傷異等之名以適之拘定格之說以充之謂之媒傷異等之氣以鬱之謂之潛

訓名中

浮邱子曰名出於實實出於事事出於念凡積美念成美事焉積美事成美名焉凡積醜念成醜事焉積醜事成醜名焉且夫父母生而命之名命美不命醜也卽命醜亦出於愛不出於刺也子文生而名曰於菟伯魚生而名曰鯉司馬相如生而名曰犬子王安石生而名曰獯郎其出於愛釣也此本始之名也美醜積而被之名則美自美醜自醜愛自愛刺自刺也此增加之名也且夫增加之名此天下之人目口中自然吐出之名又其心中意中牢固而不可遺忘之名天網之刑實史筆之褒譏舉在其中焉無它出於其所積焉故也種蘭得蘭種艾得艾種



橘得橘種枳得枳今謂種艾可以得蘭種枳可以得樹雖或有之君子不信也詩曰維南有箕不可以簸揚維北有斗不可以挹酒漿君子之於名也其嚴乎爾乃淳積成運運積成淑淑積成羣羣積成名是謂懋美之名爾乃滂積成運運積成厯厯積成羣羣積成名是謂稊運之名爾乃材積成望望積成特特積成猷猷積成名是謂倫魁之名爾乃恩積成寵寵積成獨獨積成譽譽積成名是謂猷小之名爾乃氣積成勇勇積成威威積成勝勝積成名是謂英懿之名爾乃筋積成懦懦積成態態積成敗敗積成名是謂姁弛之名爾乃儒積成腴腴積成雅雅積成名是謂妍秘之名爾乃野積成癡癡積成陋陋積成名是謂蕪昧之名爾乃慧積成準準積成捷捷積成名是謂踔絕之名爾乃盲積成惑惑積成勦勦積成名是謂憤貶之名爾乃修積成正正積成信信積成輝輝積成名是謂賢詰之名爾乃蔽積成邪邪積成利利積成伎伎積

成名是謂險說之名爾乃義積成剛剛積成固固積成名是謂伉厲之  
名爾乃習積成柔柔積成隨隨積成名是謂猗違之名爾乃心積成慈  
慈積成悅悅積成名是謂善祥之名爾乃法積成慘慘積成毒毒積成  
名是謂淫酷之名爾乃貴積成敬敬積成名是謂舉重之名爾乃賤積  
成狎狎積成名是謂垢穢之名爾乃儉積成清清積成削削積成苦苦  
積成名是謂潔白之名爾乃侈積成濁濁積成多多積成肥肥積成名  
是謂貪婪之名爾乃和積成鈞鈞積成類類積成偉偉積成名是謂闊  
達之名爾乃曲積成狹狹積成實實積成弱弱積成名是謂熾膏之名  
於乎懋美之名謂物者也襍選之名亂物者也倫魁之名帥物者也仇  
小之名降物者也英鷲之名起物者也媾隨之名弃物者也奸秘之名  
式物者也蕪昧之名恩物者也踔絕之名理物者也憤耗之名蔽物者  
也賢詰之名服物者也險說之名伺物者也伉厲之名束物者也猗違

之名遁物者也善祥之名植物者也淫酷之名毒物者也難重之名鎮  
物者也垢翫之名逐物者也絜白之名饒物者也貪婪之名盜物者也  
闢達之名開物者也熾畜之名埽物者也且夫君子之所謂物則焉往  
而非君子之所謂己乎君子之所謂名則焉往而非君子之所謂實乎  
且夫卿雲甘露則以爲祥而盲風怪雨則以爲蓄此不必通識緯譚陰  
陽者能之也康莊四達則以爲夷而太行呂梁則以爲險此不必失方  
輿畫形勢者能之也毛嫱西施則以爲妍而伉俪無鹽則以爲媸此不  
必操藻鑑工可否者能之也不待告而物皆曉不待俛而物皆中不待  
區之高下而物皆同不待試之然疑而物皆定其本旨甚庸也其機絀  
甚利也詩曰周道如砥其直如矢君子所履小人所視於乎此物己之  
說也此名實之說也是故君子之元氣莫如實天下之公器莫如名聞  
有以美名美者矣未聞以醜名美者也聞有以醜名醜者矣未聞以美

名觀者也聞有名其美而溢於美之數者矣未聞名不足於美者也聞  
有名其醜而溢於醜之數者矣未聞名不足於醜者也聞有匿其美而  
究竟爲人訪詢以名之者矣未聞釋其美不以名者也聞有匿其醜而  
究竟爲人撝拾以名之者矣未聞釋其醜不以名者也聞有大力者忌  
其美而衆挈其美名以名之者矣未聞忌則俱忌者也聞有苟同者倣  
其醜而衆挈其醜名以名之者矣未聞倣則俱倣者也聞有事跡迹移  
衆莫知其美而以觀名名美者矣未聞知其美觀其名者也聞有俗衰  
道薄衆莫知其醜而以美名名觀者矣未聞知其醜美其名者也故曰  
天下之公器莫如名也聞有美實充而能以其名創天下之美者矣未  
聞美不充能創美者也聞有醜實淨而能以其名杜天下之醜者矣未  
聞醜不淨能杜醜者也聞有其名可以創美而天下咸抃舞踴躍請爲  
美者矣未聞名可創美以不美應者也聞有其名可以杜醜而天下咸

感激涕泣勿爲觀者矣未聞名可杜觀以必觀應者也聞有天下咸請  
爲美以快君子平日有美之實行者矣未聞蓄有美之實行而不得其  
當於天下之人者也聞有天下咸勿爲觀以快君子平日無觀之實行  
者矣未聞厲無觀之實行而不得其當於天下之人者也聞有蓄有美  
與天下同之而天下之人或循其粗述之美或傳其精微之美而有深  
淺之不同者矣未聞皆粗述而無傳其精微之美者也聞有厲無觀與  
天下同之而天下之人或芟其枝蔓之觀或拔其根株之觀而有疾徐  
之不同者矣未聞皆枝蔓而無拔其根株之觀者也聞有我能使天下  
傳其美一旦不自於我則橈善類者封天下之美而閉之而抱遺文而  
識淵源者又萃天下之善類而存之幾幾不傳而猶且復傳者矣未聞  
不自於我不傳其美者也聞有我能使天下拔其觀一旦不自於我則  
操左道者鼓天下之觀而從之而際末流而挺志氣者又戰天下之左

道而勝之幾幾不拔而猶且復拔者矣未聞不自於我不拔其靚者也  
故曰君子之元氣莫如實也吾聞春華雖美期於秋實冰璧雖澤期於  
見日是故勞莫勞於君子直莫直於斯人久莫久於修實邀莫邀於倣  
名親莫親於吐斯民以實而梗莫梗於廷斯民以名樂莫樂於名在斯  
民不可蠹蝕而憂莫憂於實在君子不可欺蒙詩曰潛雖伏矣亦孔之  
昭君子之於名也其嚴乎是故美名不可僭觀名不可襲美名不可敬  
醜名不可坐且夫山莫大於五嶽水莫大於四瀆道莫大於能治亡之  
名德莫大於能治物之名知美名之不可以僭而甘爲退讓以爾其所  
不逮者無志節者也君子慎勿廢此孳孳知美名之不可以僭而好爲  
夸詡以自文其所不如者無神明者也君子慎勿廢此抑抑知觀名之  
不可以襲而忽不及檢而適與爲緣者無德操者也君子慎勿廢此戰  
戰知觀名之不可以襲而姑便其私而遂與爲類者無性行者也君子

慎勿廢此蹢躅是故君子能修理物則以治己之名以有此具也知美  
名之不可以殺而支吾隱忍而不爲別白者無丰采者也君子慎勿廢  
此廢康知美名之不可以殺而震動標舉而不爲爾餘者無度量者也  
君子慎勿廢此閑閑知醜名之不可以坐而暴怒急擊而哀矜不至者  
無仁恕者也君子慎勿廢此愉愉知醜名之不可以坐而縱情溢與而  
洗剔不至者無智察者也君子慎勿廢此局局是故君子能主持風義  
以治物之名以有此具也治己之名利用吏治物之名利用師治己之  
名利用神治物之名利用天是故君子名之摠也能爲仁義中正之摠  
然后能爲名之摠能爲名之摠然后能爲物之摠能爲物之摠然后名  
之能事畢詩曰有彼無惡在此無教庶幾夙夜以永終譽君子之於名  
也其至乎

訓名下

浮邱子曰聖人以名養天下賢人以名教天下奸人以名戰天下以名  
養天下何稽焉聖人有其德也則有其名有其名也則有其與有其與  
也則有其養有其養也則有其用有其用也則皆名乎聖人之名是故  
舜相堯於高陽氏舉才子八人於高辛氏舉才子八人周公相成王於  
布衣之士執贄所師見者十二人窮巷白屋所先見者四十九人時進  
善者百人教士者千人官朝者萬人孔子相魯雖不昌其用然而當時  
之士來問業者三千人中心說而誠服者七十人詩曰我有嘉賓鼓瑟  
吹笙非以名養天下之謂而誰謂予以名教天下何稽焉賢人有其學  
也則有其名有其名也則有其與有其與也則有其教有其教也則有  
其成有其成也則皆名乎賢人之名是故孟子序詩書述仲尼之意其  
徒萬章公孫丑相與記爲七篇以爲功於世王通請學則房杜李魏爲  
將相實永有唐三百年之祚韓愈原道其徒自李翱已降雖不能與聞



乎大者而籍泚島郊之屬藉以陶鑄其文章而毋泯威於後代歐陽修  
好獎借士類雖布衣屏處者卒爲閭人而聲猷軼轍之屬尤以文章忠  
義擅天下詩曰追琢其章金玉其相非以名教天下之謂而誰謂乎於  
乎聖如舜周公孔子不事名者也能教天下者也而吾切切乎其以名  
養天下也則聖人之精神氣象然也賢如孟子孔子之亞也王通韓愈  
歐陽修升孔孟之堂而未入其室者也而吾鈞切切乎其以名教天下  
也則賢人之精神氣象然也舜之精神氣象龐厚而和平是故能舉十  
六才子爲世利賴者必龐厚和平之聖人然後可周公之精神氣象聰  
明而廣大是故能使布衣窮巷之士得所依歸者必聰明廣大之聖人  
然後可孔子之精神氣象中正而篤實是故能使三千七十左右旋  
以休以息者必中正篤實之聖人然後可是故非龐厚和平之聖人必  
且束縛才子以爲不可馳騁而收取庸鈍以爲爪牙腹心非聰明廣大

之聖人必且厭惡布衣窮巷以爲無所畱音而崇信高官達人以爲武  
緯文經非中正篤實之聖人必且患苦左周右旋不令天下之人關其  
淺深而好爲深居潛行與一切人材國運亡所關涉是故庸鈍當其寵  
則才子之氣塞才子之氣塞則天下有傷心之風雨高官達人據其要  
則布衣窮巷之價輕布衣窮巷之價輕則天下有體道抱德以死而弗  
畱其姓氏於人間深居潛行以爲妙術則左周右旋之脈斷左周右旋  
之脈斷則天下智仁勇莧如林而積於闕絕之勢不能入于淡漠之胸  
是故非舜周公孔子則誰其能以名養天下者乎孟子之精神氣象剛  
毅而能衛道是故萬章公孫丑之徒不顛倒於管晏楊墨縱橫捭闔而  
近於仁義者必得孟子師之然後可王通韓愈歐陽修之精神氣象光  
白而能親人是故唐宋之士粗有成就者必得三子師之然後可是故  
非得孟子以爲之師必且主持其所不可從之邪說姪辭而張皇其所

不可堪之盛飭虛醜非得三子以爲之師必且驟疑其送育設難之不  
馴貢其諛以徯其直而徐申其大昧難醒之區處顛其黑以倒其白是  
故邪說淫辭則左道昌而本宗失左道昌而本宗失則呼朋召類相與  
賞析皆名教之罪人盛飭虛醜則末節苛而精理衰末節苛而精理衰  
則如坐偶人于其側不知其所以然之故貢諛徯直則曲體將而古道  
斬曲體將而古道斬則文采風流而有巧言令色孔壬跼伏其閒顛黑  
倒白則私心敢而公器移私心敢而公器移則借大廷黜陟予奪爲明  
戶酬恩雪怨之具是故非孟子王通韓愈歐陽修則誰其能以名教天  
下者乎若乃以名戰天下何稽焉奸人有其醜也則有其名有其名也  
則有其忌有其忌也則有其戰有其戰也則有其勝有其勝也則適名  
乎奸人之名適名乎奸人之名則仍無損於不名乎奸人之名者是故  
屈平博聞強志明於治亂則上官大夫心害其能譏之懷王而疏屈平

賈誼欲興禮樂悉更秦法則絳灌東陽侯馮敬之屬盡害之而誼遂遭  
孔融爲海內英俊所信服曹操積不能平則使都慮路粹文致其罪蘇  
軾深思治亂極言無隱王安石滋不悅則使謝景溫論奏其過朱熹講  
學明道本末洞徹韓侂冑大憾不已則引沈繼祖姚愈復擊之而偽學  
之禁甚嚴詩曰不懲其心覆怨其正非以名戰天下之謂而誰謂乎雖  
然名猶天也忌猶霜也戰而勝猶晦也天有因霾而晦晦者其一時也  
章者其千齡萬代也名有因忌而勝勝者其一時也尋者其千齡萬代  
也名猶水也忌猶閘也戰而勝猶塞也水有因閘而塞違其性也有大  
力者疏濬之而塞者可使流也名有因忌而勝違其性也有大力者擊  
斷之而勝者可使降也衆女謂余以善姪乎保母其信乎鸞雀何啾啾  
乎大鳥其不舉乎曲木而厭繩墨乎匠石能引以爲棟乎夜裸而愴明  
燭之來乎莊士衣冠可廢乎莫邪韻而鉛刀利乎風胡其謂爾何乎王

石其糅乎卞和能勿涕洟乎驥服鹽車而驚上驂乎王良肯爲御乎萬  
蕭成林而蘭茝萎於廣野乎固君子之所轉張以太息乎黃鐘毀棄而  
瓦缶雷鳴乎聞者其有憂乎曲突徙薪無恩澤顛頭觸額爲上客乎無  
乃賤本貴末乎謂蜥蜴爲神龍豈惟不識神龍亦不識蜥蜴矣乎泰山  
而彈丸之滄海而一杯之不狂且惑乎鼻目易處知香臭乎紫朱雜廁  
於何服乎是故忌名者隘毋忌名者廣戰名者謀毋戰名者靜勝名者  
幻毋勝名者常然而且隘且謀且幻則君子以爲末如之何之勢矣然  
而天下末如之何之勢則必有如之何如之何之理矣是故古之善言  
忌者莫如韓愈爾其原毀之言曰嘗試語於衆曰某良士某良士其應  
者必其人之與也不然則其所疏遠不與同其利者也不然則其畏也  
不若是彊者必怒於言懦者必怒於色矣又嘗語於衆曰某非良士某  
非良士其不應者必其人之與也不然則其所疏遠不與同其利者也

不然則其畏也不若是彊者必說於言懦者必說於色矣古之善處名者莫如孔子爾其記金人之銘曰君子知天下之不可上也故下之知衆人之不可先也故後之溫恭慎德使人畏之執雌持下人莫踰之人皆起彼我獨守此人皆或之我獨不徙內藏我智不示人伎我雖尊高人不非我害是故處紛紛云云之世善言忌不學韓愈則不能燭萬物之情狀不能燭萬物之情狀則以忌爲愛以忌爲愛則彼愈巧而我愈盲彼愈巧我愈盲則擠之禍殃然後醒善處名不學孔子則不能標有道之氣象不能標有道之氣象則與忌爲敵與忌爲敵則彼常捷而我常到彼常捷我常到則魚潰肉爛然後已是故君子厲己以秋照人以春藹實如歸處名如寄能恪其警戒之謂秋能委蛇和煦之謂春不旁修曲出之謂歸不處非其據之謂寄孟子曰仁者愛人有禮者敬人愛人者人恒愛之敬人者人恒敬之是故使人忌其名者夸毋使人忌其名

者約使人戰其名者激毋使人戰其名者和使人勝其名者雜毋使人勝其名者壹此仁禮之實際愛敬之美報也

釋用

浮邱子曰古之君子體與用竝起相濟也相足也今之君子體與用竝起相難也相折也用難體曰咄嗟乎子稱必典冊勤必規架師必先王友必儒者釣其譽而靡有忤也縣其實而靡有卽也酸其狀而靡有剋也腐其骨而靡有藥也創作文字而靡有裁也鈎據事理而靡有中也號召徒黨而靡有律也教迪羣愚而靡有醒也在上則緝晁之所不接在下則嫻亞之所難容在大則輔拂之所見擯在小則胥吏之所竊逃然而子且峢峢焉而立斷斷焉而辨畏畏焉而亡所斬必於時之人不亦闇於大較之甚者乎體折用曰咄嗟乎子振必圭組之階走必勢險之塗慕必王公之好夸必閭里之榮子自蔑爾奚所用繫是以謂僕釣

其譽而靡有作也子自躁爾奚所用擇是以誚僕縣其實而靡有卽也  
子自流爾奚所用特是以誚僕酸其狀而靡有剋也子自撓爾奚所用  
珍是以誚僕腐其骨而靡有藥也子自阻爾奚所用古是以誚僕創作  
文字而靡有裁也子自慣爾奚所用白是以誚僕鉤攝事理而靡有中  
也子自盤爾奚所用偕是以誚僕號召徒黨而靡有律也子自狹爾奚  
所用通是以誚僕教迪羣愚而靡有醒也子自阿邑取妍爾是以誚僕  
爲輝晃之所不接子自比周成好爾是以誚僕爲嫺亞之所難容子自  
揣摩當事愛憎爾是以誚僕爲輔拂之所見橫子自濫用左右耳目爾  
是以誚僕爲胥吏之所竊逃於乎子之誚僕也僕所能受也乃直氣公  
論之所不受也子之不自誚也子所能忍也乃僕之心惻然其有所大  
不忍也子且誚僕峨峨焉而立而固不自誚其沾沾焉而小乎子且誚  
僕斷斷焉而辨而固不自誚其踴踴焉而苟乎子且誚僕翼翼焉亡所



斷必於時之人而固不自謂其佻佻焉亡所準於古之則乎賤宦不生  
蛟龍培塿不生松柏無乃局於所未曾有乎井甃不可語海夏蟲不可  
語冰無乃大昧難醒乎詩曰乃如之人兮逝不古處又曰不懲其心覆  
怨其正是無乃不知人世間有羞恥事乎用又難體日子大夫之論駁  
矣銳矣雖然子所云古之則僕滋惑焉古有孔子其人者聖人也然而  
去乎魯斥乎齊逐乎宋衛困於陳蔡之間方春秋之世甞子以其君霸  
晏子以其君顯而孔子弗如也彼其所稱道全德備之躬孰信焉古有  
孟子其人者賢人也然而游事齊宣王宣王不能用適梁梁惠王不果  
所言則見以爲迂遠而關於事情方戰國之世蘇秦爲從人之長張儀  
爲衡人之長而孟子弗如也彼其所稱居仁由義之說孰信焉大底貢  
今所嗜者可以昌術也而湯舊所聞者不可以齊衆也超騰智慧以自  
尚者可與理非常之原也而敦敬切循以自守者不可與量斗室之外

也是故堯曼無孔子之聖而孔子無堯曼之功聖不足於功也儀秦無孟子之賢而孟子無儀秦之名賢不足於名也是故聖賢自一軌功名自一軌猶孟賁善怒西施善笑各原其性也北風嘶馬南枝巢禽各類其情也其不可比率以從事斷斷如矣體又折用曰譖子其盲乎居吾語女女以爲聖不足於功邪女盲於聖之爲聖抑又盲於功之爲功女以爲賢不足於名邪女盲於賢之爲賢抑又盲於名之爲名女以爲聖賢自一軌功名自一軌邪女盲於聖賢功名之本抑又盲於聖賢功名之運且夫本無異同運有常變堯舜禹湯文武之能君咎夔伊傅周邵之能臣其德足以傳乎其心其材足以底乎其績其位足以敷乎其美其時足以攷乎其成此聖賢之常功名之常也孔子以聖而衰孟子以賢而塞其德足以傳乎其心其位不足以敷乎其美可奈何其材足以底乎其績其時不足以攷乎其成可奈何然而六藝之宗不實七篇之

指尙存有六藝然后古今續古今續然後賢愚式賢愚式然后民物甯  
民物甯然后兩間實有七篇然后王霸判王霸判然后利義析利義析  
然后孝悌申孝悌申然后先王復是故聖莫聖於六藝賢莫賢於七篇  
功莫功於兩間實名真名於先王復此聖賢之運之變功名之運之變  
也聖然后有功常亦聖變亦聖常亦功變亦功也賢然后有名常亦賢  
變亦賢常亦名變亦名也功然后有名聖亦功聖亦名也名然后有功  
賢亦名賢亦功也聖楫也功川也非楫而能涉川乎賢露也名草也非  
露而能蘇草乎聖賢天地也功名日月星辰江淮河漢也非天地而能  
繫日月星辰振江淮河漢乎常康莊也變太行呂梁也行乎康莊而達  
行乎太行呂梁而達不鈞之達乎運風也本於棹也東風吹之則松樟  
千尺不加長西風吹之則松樟千尺不加減不摠之千尺乎然而予且  
詆嫫孔孟以爲不足於功也名也於乎孔孟之功名其與堯舜禹湯文

武之能君咎夢伊傳周邵之能臣常而變變而常同而異異而同非甚  
明悉其孰能徹之詩曰如切如磋如琢如磨瑟兮僖兮噏兮有斐  
君子終不可喧兮此言孔孟之盛德至善矣乎用又難體曰子大夫於  
孔孟思過半矣雖然筦晏之功可遂廢儀秦之名可遂挫乎廢筦晏之  
功則奚以處乎無功挫儀秦之名則奚以處乎無名乎子大夫取節焉  
可也體又折用曰無聖人之學而侈其功者賊功者也無賢人之識而  
章其名者賊名者也是故無功者其罪熾賊功者其罪大無名者其罪  
熾賊名者其罪大是故賊功者功熾亦賊也功大亦賊也賊名者名熾  
亦賊也名大亦賊也是故賊功者作僞焉功又生功焉賊又生賊焉凡  
天下之功其功者亦賊也凡後世之功其功者亦賊也賊名者作僞焉  
名又生名焉賊又生賊焉凡天下之名其名者亦賊也凡後世之名其  
名者亦賊也且夫陽春白雪之曲則高者唱而和者寡折楊皇華之詞

則卑者唱而和者百其所漸積淫佚然也是故筦子九合諸侯一匡天下非不揅時也然而罪在器小後之人又從而學其器小焉視筦子又加甚焉於是乎有市美言鬪小數之智有崇名任法慘礪不情之才有橫歟急征方輪錯出之播有矜功敷能之色有奢濫無節之費有盜主柄作威福之奸有執執不可爲少主臣之刺有一身二姓覩顏事讐自謂權變而不知其爲史乘之恥晏子非不節儉力行也然而罪在不中禮後之人又從而學其不中禮焉視晏子又加甚焉於是乎有尙儉爾貧之誚有貌慈心佞之伏有拘罷拒折之容有夷固僻達勃亂提優之病有蕩蔑名分親疎貴賤上下無等之憂蘇秦張儀指麾當世之君非不從衡如意也然而罪在傾危後之人又從而學其傾危焉視儀秦又加甚焉於是乎有旁辟曲私之請有偷儒轉脫之情有妖怪狡猾惑眾之技有紛挐摧錯之端有摸蘇揜連之術有陷誕突盜惕悍驕暴之醜

有狎侮欺詭撓撓抗之態有杯酒失意之勢有睚眦必報之讐有苛  
評巧詆鍛鍊周內之慘有雕新鑠異詭文回波之妙有直端匿跡使人  
不可以誰何之詐於乎學筦晏者孔孟之罪人也學儀秦者又筦晏之  
罪人也人以嬖人罪以嬖罪吾惡知其所終極也且夫一筦一晏此春  
秋所由不逮於三代也而况千百其器小者乎千百其不中禮者乎抑  
且千百其加甚於筦晏者乎一秦一儀此戰國所由不逮於春秋也而  
况千百其傾危者乎抑且千百其加甚於儀秦者乎於乎桃李盈百不  
如獨柏蕭艾盈千不如寸蘭居斯世也號稱於眾以爲斯人之傑也則  
必使吾世毋爲輒近之世則必使吾人毋爲弟靡波流之人則必使吾  
躬毋爲遷轉於氣數之躬則必使吾衷毋爲進退得喪撓亂惶惑無據  
之衷然後可哉詩曰百爾君子不知德行不忒不求何用不赦曾謂筦  
晏儀秦可以難設乃心而毒天下者乎用又難體曰子大夫之譬筦晏

儀秦也滋甚矣凡學筦晏儀秦者聞子大夫高論不啻提其耳而深省之矣雖然凡學孔孟而爲世所指訾者則子大夫何以貸其罪乎荀卿明王道述禮樂然其徒李斯韓非以其學亂世殺身是不亦得罪於孔孟矣乎揚雄著太元以儼易著法言以儼論語然而阿莽功德幾於投閣以死是不亦得罪於孔孟矣乎王通中說務致約深言寡理大然方其陳太平十二策於隋文不招而往不問而告輕其道以求售焉是不亦得罪於孔孟矣乎韓愈原道闕見大要然及其平生意嚮不脫文士浮華放浪之習時俗富貴利達之求是不亦得罪於孔孟矣乎子大夫誅其學筦晏儀秦者赦其學孔孟而得罪於孔孟者則子大夫何以服其不咸之心乎體又折用曰譖吾之於人也誰誅誰赦誰擊誰薄誰敬誰忤誰驩誰厭惟其是不而已筦晏儀秦之是不徑而露荀揚王韓之是不歧而隱茲吾與女剖其歧而隱者其可焉凡學孔孟者冠必孔孟

也服必孔孟也步必孔孟也趨必孔孟也是爲親孔孟而肖之講論必孔孟也寤寐必孔孟也是爲法孔孟而依之能求之則能知之能從之則能行之能變通之則能利之能鼓舞之則能神之是爲資孔孟而自得之親孔孟而肖之者可與藥俗不可與嚮學法孔孟而依之者可與嚮學不可與贈用資孔孟而自得之者與之嚮學乃不蕪與之贈用乃不匱不蕪不匱乃可以聖可以賢是故荀也楊也王也韓也學孔孟而蕪且匱者也然而孔孟不蕪也荀楊王韓自蕪也孔孟不匱也荀楊王韓自匱也然而荀楊王韓本亦可以不蕪不匱者也可以不蕪而蕪可以不匱而匱可以不蕪治其蕪而蕪可以不匱治其匱而匱可以智察其蕪不蕪匱不匱之界而蕪而匱可以勇爭其蕪不蕪匱不匱之決而蕪而匱故曰是不歧而隱也則大可閤念也今天下譚江河者必溯其崑崙之源而障狂瀾者必求其能治水之人而屬焉孔孟崑崙也荀楊



王韓障狂瀾以衛江河而不足於力者也以爲其不足於力也而遂謂其決江河以魚鼈億萬赤子之命不可也以爲其不至於決江河以魚鼈億萬赤子之命而遂謂其與古疏鑿者同功不可也是乃功罪參焉者也周衰道微精氣聚於孔孟而其軼說乃時時見於荀揚王韓此其所由爲功於孔孟也孔子不云乎苟有用我者期月而已可也三年有成孟子不云乎夫天未欲平治天下也如欲平治天下當今之世舍我其誰哉孔孟不果乎其言而實足以優乎其爲荀揚王韓不優乎其爲而更乃膠乎其用此其所由得罪於孔孟也且夫陰霾久則必有白日之光以照之飛走之族繁則必有紫鳳蒼麟以長伯之是故道之亟復成枝枝之亟復成鬱鬱之亟復成運運之亟復成通通之亟復成材材之亟復成賢賢之亟復成聖聖之亟復成道且夫聖之亟復成道則焉往而不在其布施優裕之內乎言平其功則衰頹之亟可以復成兵刑

兵刑之亟可以復成禮樂禮樂之亟可以復成皇王言乎其名則廢黜之亟可以復成文章文章之亟可以復成性命性命之亟可以復成天地是故君子生荀揚王韓之後而戰孔孟之勝於紛紛紜紜之秋勢不得不踔其識恒其學素其位待其時時至則思發揮孔孟之醞可以庇此世而享聖人賢人之作用可以快此志而償聖人賢人之所欲爲而未及爲可以雪此言而破疑聖疑賢者之顛倒狂劇而不可解時不至則消搖倚羊乎孔孟之樂敘述這意以覺來者焉毋眩於不可毋疑於不然毋墮其末而媿其前詩曰我思古人實獲我心又曰高山仰止景行行止君子之於孔孟其景仰之矣乎其實獲矣乎於是用無以更難體則亟起謝之曰子大夫休矣僕方狃於習不能以驟更也抑用其長而不敢以他圖也譬諸蜚蜚之轉不離丸螺蛻之升不離木今欲使蜚蜚代輻扁斲輪能轉丸則遂能轉輪矣乎又欲使螺蛻效神龍行天能

升木則遂能升天矣乎是固不能子大夫休矣浮邱子聞斯言也慨然  
揚糜涕泗如雨一坐十起而不知所告語

### 三衡

浮邱子曰三衡曷謂也一日主衡二曰民衡三曰官衡主衡差不可以  
爲人臣子民衡差不可以爲民父母官衡差不可以爲有司百執事之  
長是故君子知主衡則知忠知民衡則知愛知官衡則知嚴知忠則一  
切壅塞于王者忠之反知愛則一切腹剥于民者愛之反知嚴則一切  
周容于官者嚴之反積此三反則三衡耗亂錯繆不可復問矣雖然其  
所由以耗亂錯繆也必始於官及於民而極於主於其耗亂錯繆之時  
而申其整理補抹之力則亦始於官及於民而極於主是故曰於治忽  
之原者必自課其官始必自課其長以督其有司百執事始凡爲有司  
百執事之長者其性情貴詘諛而賤剛方其識慧雠諛俗而昧達利其

操履納汙蔑而捐絮淨其材器喜圖活而厭老成於是其所謂有司百  
執事非闕其中之淺深而制之則揣其私之好憎而結之非持其故之  
短長而驚之則倒其說之黑白而給之倒其說之黑白而給之者愚其  
長之心使不析也持其故之短長而驚之者塞其長之口使不開也揣  
其私之好憎而結之者多其長之賴使不疑也闕其中之淺深而制之  
者厚其長之敬使不衰也故視其長蔑如也左氏之言曰抑人之有元  
君將稟命焉若稟而棄之是焚穀也其稟不材是穀不成也穀之不成  
孤之咎也成而焚之二三子之虐也儻所謂蔑視其長者是邪蔑視其  
長則毋治其職毋治其職則積爲廢墮縱爲貪淫廢墮云何問其朝典  
則弗理號令弗詳吏胥弗儆神元弗饗問其野耕耨弗時紡績弗夜草  
木弗辨鳥獸弗馴城郭弗補橋梁弗正關市弗謹堤坊弗完川澤陂池  
山林後徑弗察水潦旱乾兵戈疫癘弗備矜寡孤獨弗養草竊奸宄弗

誅豎士弗教賢人弗禮婦女游觀弗戒商賈居奇弗罰度量衡石弗壹  
斗甬權概弗較流弊左服奇技左道弗削盲風怪雨苦霧凍霍弗省食  
淫云何問其心夙夜必靖以謾天地必格以亡問其身宮室必崇以秩  
輿馬必庶以壯衣服纂造必麗以新飲食烹割必甘以羹妻妾必羣以  
豔親戚必黨以驕賓客攀涉必紛以云伎僕侍從必獫以駢於乎爾如  
是則官不以忘乎官忘則民不以億乎民億則患氣結而發之也驛主  
不以憂乎此所謂耗亂錯繆始於官及於民而極於主也凡爲有司百  
執事之長者其性情貴剛方而賤諂諛其智慧料遠到而刪謠俗其操  
履矢絜淨而捐汙蔑其材器喜老成而厭圖活於是其所謂有司百執  
事欲闕其中之濫深而制之則不敢欲揣其私之好憎而結之則不敢  
欲持其故之短長而驚之則不敢欲倒其說之黑白而給之則不敢不  
敢倒其說之黑白而給之者懼其長之義而能辨也不敢持其故之短

長而驚之者懼其長之仁而能斷也不敢揣其私之好憎而結之者懼其長之細而能防也不敢闕其中之淺深而制之者懼其長之大而能苞也故視其長肅如也左氏之言曰夫德儉而有度登降有數文物以紀之聲明以發之以臨照百官百官於是乎戒懼而不敢易紀律儻所謂肅視其長者是那肅視其長則競治其職競治其職則勤勤惻惻之政可思也清白介特之吏可風也勤勤惻惻之政云何問其朝典則以理號令以詳吏胥以儆神元以饗閭閻其野耕耨以時紡績以夜草木以楸鳥獸以馴城郭以補橋梁以正關市以謹堤坊以完川澤陂池山林溪徑以察水潦旱乾兵戈疫病以備於寡孤獨以養草竊奸宄以誅髦士以教賢人以禮婦女游觀以戒商賈居奇以罰度量衡石以壹斗斛權概以較流聲異服奇技左道以削盲風怪雨苦霧凍雹以省清白介特之吏云何問其心夙夜必循以省天地必來以復問其身官室必靜

以庫與馬必齊以約衣服纂造必樸以稱飲食烹割必澹以宜妻妾必  
母以處親戚必慎以將賓客攀涉必簡以摯攸僕侍從必慤以和於乎  
爾如是則官不以馴乎官馴則民不以恬乎民恬則社稷之福朝廷之  
瑞舉必由之主不以訢乎此所謂於其耗亂錯繆之時申其整理補挾  
之力則亦始於官及於民而極於主也雖然事固有繫於獨而利於同  
耗亂錯繆爾其習尙之同也整理補挾爾其丰稜之獨也習尙同則取  
容於官取容於官則羣讚美其爲人羣讚美其爲人則大力者微聞之  
大力者微聞之則毋贊問於有道君子之前以泄其故而密實於主以  
矜其鑑密實於主以矜其鑑則遂以時記注其人而倚杖之記注其人  
而倚杖之則官有貳民無翼官有貳民無翼則縱其官蠹賊之荼毒之  
道路以目而民末由訟言於天子之庭以折其不然詩曰彼有旨酒又  
有嘉殽洽比其鄰昏姻孔云是則同之爲利也矣丰稜獨則無能苟且

以徇官之好無能苟且以徇官之好則羣排擯其爲人羣排擯其爲人則必借端詭使激大力者以怒之激大力者以怒之則君非不心膂股肱其人而中於描摹近似之說中於描摹近似之說則雖腹裏仁義手調民物而無能取君聽於必然之信無能取君聽於必然之信則往往嘔歌者塞塗巷而左右主前者必欲盜主之柄以去之而后快其毆除異己之心詩曰謂天蓋高不敢不局謂地蓋厚不敢不踏是則獨之爲難也矣於乎西施入室嫫母之仇也巨人在前侏儒之恥也鳳皇鳴而飲鴆愁六驥騁而驚駘泣同近譽獨近謗譽近是謗近非是近信非近疑信近昌疑近敗其所由來非一朝一夕之故矣君子知其然也是故以浮議付之一曠以公論付之千秋以赤心付之朝廷以直道付之朋友以問學付之聖人賢人以血氣付之愚夫愚婦甯使官怨我毋使民怨我甯使官咎我毋使主咎我官怨我厥勢無過廢格沮誹受惑聽睹



云爾民怨我則居其上無能飲食教誨之也居其上無能飲食教誨之則不可以爲民父母不可以爲民父母則民且斃於其手民且斃於其手則慚慢并慚慢并則魂憂棘魂憂棘則福命折到福命折到則子孫之孽滋甚官咎我厥勢無過浸奪墮倪摧殘名位云爾主咎我則居其下無能聰明正直以事之也居其下無能聰明正直以事之則不可以爲人臣子不可以爲人臣子則替爲君之罪人替爲君之罪人則面目醜面目醜則心理斷心理斷則天人鬱怒天人鬱怒則讀書命世之指謂何是故君子必忠於君然后推其生民之德以愛於民必愛於民然后去其害民之牧以嚴於官必嚴於官然后可以爲有司百執事之長可以爲有司百執事之長然后可以爲民父母可以爲民父母然後可以爲人臣子夷攷子產尸豪族樹謗政豈不嚴邪然而能治鄭是故鄭人始誦之曰取我衣冠而褚之取我田疇而伍之孰殺子產吾其與之

終誦之曰我有子弟子產誨之我有田疇子產殖之子產而死誰其嗣之孔子嚮三都僂少正豈不嚴邪然而能治魯是故魯人始誦之曰麋裘而芾投之無戾芾之麋裘投之無郵終誦之曰裘衣章甫實獲我所章甫衣惠我無私子產名賢也孔子大聖也大都用嚴爲愛用愛爲忠若是是故惟名賢可以用嚴惟大聖可以用嚴名賢用嚴人以爲威我以爲惠大聖用嚴人以爲法我以爲神爾乃商鞅刻薄啟秦人之好殺鼂錯峭直教漢吏爲深文周興來俊臣阿賊后以張梯檓吉溫羅希奭附奸相而布鉗網是豈足爲嚴之云矣乎大底子產孔子已降能用嚴而毋傷於惠毋縻於神者其惟諸葛亮之治蜀乎次則王猛之治苻秦乎史稱亮撫百姓示儀軌約官職從權制開誠心布公道盡忠益時者雖讎必賞犯法怠慢者雖親必罰服罪輸情者雖重必釋游辭巧飾者雖輕必僂終於邦域之內咸畏而愛之史稱猛剛明清肅善惡著白

放黜尸素顯拔幽滯勸課農桑練習軍旅官必當才刑必當罪由是國  
富兵彊秦以大治於乎今之代而無亮猛其人則已今之代而有亮猛  
其人不足多乎爾乃荆公治宋其法足以嚴而不純於學江陵治明其  
材足以嚴而不純於心是豈足爲亮猛之比矣乎詩曰我思古人實獲  
我心亮固聖賢之亞猛亦亮之亞而急起直追以雁行之者其誰哉其  
誰哉

浮邱子卷之九

益陽楊鵬海秋著

祥和上

浮邱子曰揆於道德完於性始之謂中條而達之無所往而不利之謂和故居里巷之側父不和於子則慈孝格兄不和於弟則友恭義夫不和於梱外婦不和於梱內則家道黑而神元可之立朝廷之上君子不和於君子則意氣橫小人不利於小人則機穽險君子不和於小人小人不和於君子則國是紊而氣數隨之夫捫心弗以神元爲監者畏義必淺舉事弗以氣數爲歸者誤世必深故君子稟於中以不偏而濟於和以有其始終蓋其遭逢聖哲羽翼翺翔手撐社稷腹裏陰陽本之以智結之以誠樹之以才列之以章進之以言帥之以方實之以事積之以祥有嘉無違心膺股肱一人端平羣傑畢征其容春霽孫讓以將順時制理匪低匪叩低亦不憐叩亦不強恪居官次萬夫之望故四岳九

官十二牧和於虞則天工時亮太公用公邵公畢公和於周則武成大  
告堯夷吾鮑叔牙甯戚隰朋賓胥無和於齊則九合諸侯一匡天下士  
何荀偃韓起趙武欒黶魏絳和於晉則諸侯以睦數世賴之其在漢三  
傑和於前則芟夷秦楚如橫海而掃鯁鯁平勃和於繼則誅諸呂如去  
鼠狐其在唐房杜和於前則貞觀事業戡亂比湯武而奏治幾成康姚  
宋和於繼則景龍開元不與貞觀差其短長其在宋則韓范富歐和於  
朝而應歷聖德被乎詠歌其在明則蹇夏三楊和於朝而仁宣之業斐  
然與漢之文景同其風故觀霜露則知其和觀草木則知其春觀其人  
則知其國觀其友則知其小大總一上下雖蘇則知其殖萬植  
而朝百靈故王良之御無顛踣伯牙之琴無死聲匠石之門無棄材扁  
鵲之方無雜陳古初以德侔治平以人興民以聖而生物以賢而名故  
上相扶爲樞柱相接爲堂六副之飛及於蓬百足俱行而不僵三十幅

其一較夫然后不窮於轉也二十八宿環北辰夫然后明有尊也故風雨調而悅情性聖賢集而鋪緯經一行周挾享其利者不墜一言和煦食其福者如林詩曰呦呦鹿鳴食野之蒿我有嘉賓德音孔昭視民不佻君子是則是倣我有旨酒嘉賓式燕以敖此言君子能以和上爲國而下爲民也若乃植善行仁同厥本原繼以鉏鋤不念厥前一彼一此水火區分再接再厲批擊百端或撻其熾細以爲資或蓄其疑似以成冤或暴其勲伐以顛亢或改其塗軌以倒顛及其猛省克用洗滌霧威塵銷燭以青天初爲參商羣聽嘩傳終以金石則罔所愆初爲狼狽苞亂茹辛終以鶯鳴求其友生故邪奚豈不譬解狐也然而卒舉狐以治公門廉頗豈不辱蘭相如也然而相如先國家之急而後私讐則頗肉袒負荆謝辜蕭何豈不與曹參不相能也然而何病則頗首帝前以參代己爲得之賈復豈不謀殺冠恂也然而上爲解之則並坐同車關羽

張飛豈不厭諸葛亮也然而先主申言魚水之義羽飛乃止程普豈不  
陵侮周瑜也然而瑜折節下之則如飲醇醪而醉淳于式豈不表陸遜  
枉取民人愁擾所在也然而遜諸都則以式爲佳吏薦之陶侃豈不疑  
庾亮也然而亮引咎自責則與之談燕終日舉兵同起建康狄仁傑豈  
不損婁師德也然而乃服婁公盛德之包容李光弼豈不忿郭子儀也  
然而子儀執手涕泣薦主東伐以張其軍寇準豈不數短王旦也然而  
準終以旦爲不可及富弼豈不與韓琦不終好也然而琦使使上壽了  
不見其芥蒂之痕蘇軾平日豈不與范純仁多異也然而上怒軾比先  
帝於漢武則純仁從容自其非謗楊榮豈不嘗短楊士奇也然而士奇  
力爲榮解不令帝以小骨介意榮以此魏士奇相得甚懽賀逢聖豈不  
與熊廷弼同里閭而不相能也然而廷弼經畧遼東失事逢聖草疏揭  
白其冤故事有溶於同而消於異人有益於氣而顯於情水可支其流

而歸於海山有連於脈而斷其峯既往而悔其過孰與未來而塞其爭  
將離而守其義孰與乍合而順其經喜怒多端而爲人所哂孰與壹其  
節以信其衷進退相拒而遭世以患孰與併其力以扶其宗故兩虎不  
可以私鬪比目不可以單行康莊不可以榛梗良朋不可以不恒故玉  
有玷而可磨我其毋斲諸草芥也舟有同而共濟我其毋視若胡越也  
蘭自爲馨松自爲幹我知其各有本性也漆不厭黑粉不厭白我知其  
相反成功也詩曰習習谷風以陰以雨龜勉同心不宜有怒采芣采菲  
無以下體德音莫違及爾同死此言君子能尅其不和以歸於和也若  
乃涇渭不同源而流蘭艾不連根而苗鶩鴛不共食其食鶴鷺不並棲  
其巢心所憎惡口以爲招否之賊之快厥詆譌及乎事會各執其標縱  
橫狡猾不可以要或爲山嶽或爲風屬或爲豫章或爲杞桃風屬無端  
肆作傾橈山嶽闕頽失其名斃杞桃婀娜喪其驕掩蔽豫章斤斧周



道於乎明哲古訓是昭身世幾何挺受厥臬一勝千負不補豪毛乃付  
糞粉爾心則焦故屈原不喜上官大夫則投諸汨羅之水賈誼不用旋  
絳灌則賦鵬長沙董仲舒疾公孫宏希世用事則出徙膠西汲黯輕張  
湯則棄居淮陽稽康非薄湯武則鍾會譖之大將軍死於非辜殷浩與  
桓溫隙則北伐無功廢爲庶人薛道衡不能庠辭下氣則裴蘊誣其負  
才悖逆有無君之心而殺之韓愈李紳爭臺參則李逢吉搃其辭語不  
孫以劾之嚴挺之不詣李林甫則構成其罪以貶之蘇軾滋不悅於王  
安石則通判杭州以外之范祖禹劉安世攻章惇則寘諸死地而幾殺  
之劉基短胡惟庸則挾醫行藥以毒之楊繼盛惡嚴嵩則闢入張經疏  
尾以處決之故純陰純柔其術純陽純剛其病狂一陰一陽其旨闕  
一柔一剛其理昌不屠龍者手不棘不騎虎者膽不慄不逐夸父者不  
渴死於塗不學杞人者不憂天傾不隨時又不激物者志操反不怨天

又不尤人者壽命長不我然而我剖辨之者多謗傷不我然而我第聽  
明警戒以備之者謗不揚不我能而我懲刈之者多禍殃不我能而我  
第恭敬綽綽以事之者禍不萌故舟以虛而不觸象以擊而摧芒屨以  
寒而善蓄木以高而早霜名以危而難守實以闇而彌彰辨以馳而屢  
舛道以妙而勝常詩曰肆不殄厥愠亦不隕厥問又曰淑慝爾止不愆  
于儀不僭不賊鮮不爲則此言君子能以其和措厥躬於安全之地也  
若乃蛇蝎成性鴟鵂爲羣操黠飾詐賣其時人少則煥游壯則險數窮  
則因依達則飛翺喜則相與怒則相吞急則相媚緩則相瞋結心伎戾  
載頑且嚚雖曰式好有狂其騰故龐涓孫臏同學及其負能相如則涓  
斷臏兩足而烹之而臏乃更死涓於馬陵大樹之下蘇秦張儀亦同學  
及秦死則儀振暴其短李斯韓非亦同學及乎非說秦王以舉趙亡韓  
臣荆魏親齊燕之術則斯譖之下更遭非藥使自殺張耳陳餘相然信

以死及其據國爭權則耳斬餘於泝水之上鄭寄呂巖相友善及其軍  
於北軍則寄賣友以內周勃韓馥舉冀州以迎袁紹及疑紹見圖構則  
至瀾自殺李林甫韋堅本姻亞相昵比及堅以通濟有寵於上則林甫  
惡之而奪其權呂惠卿傳會王安石建立新法驟至執政及其罷知陳  
州則發安石私書以證其罪石亨徐有貞謀迎上皇及有貞稍稍裁其  
貪橫則亨等輩擠有貞以放於金齒故宵小不實於信義交游不符於  
典常兩巧不可以竝處兩險不可以成行免自謂狡而大獲之惡知其  
爲兔之短而犬之長也鼠自謂碩而狸捕之惡知其爲狸之捷而鼠之  
降也故松柏不生糞壤之側揭車不闢野卉之香智者不飲晏安之毒  
仁者不救道德之防不受說誘者名教有定不遭黷奪者禍祿有常不  
丐無名之惠者不開怨讐不作好勝之計者不生寇攘不學小人之學  
者古不削而今不駢不事小人之事者己不賦而國不狂詩曰迨天之

未陰雨微彼桑土綢繆矚戶今此下民或敢侮予此言君子能豫於未然而塞其不和之患也若乃氣豁得易遂翹成親徒矜厥鑒未理其根左榮右度既琴既援諱其垢翫附於仁賢不根之譽夕造晨驚膠膠輪音遂登於天乃其施設悞萌拂諤政事以毒裁肯以仍乃其於點不受研鑽世程以梗身計以便自料不可輒反其臂抑又援他寒其前盟曾不一瞋東西以紛雲翳兩覆萬怪畢濤故伍子胥進伯嚭及吳越行成則齟齬子胥以至於死蕭望之接待鄭朋以意及知其傾邪不與通則朋結許史以傾望之王嘉垂死謂賢故孔光不能進以是負國及攷劾嘉迷國罔上不道請付廷尉雜治者則光爲之首殷景仁引劉湛共參政事及湛入則憤景仁位任踰己而毀景仁陸贄引趙憬入相及憬有憾於贄則助裴延齡以罷絀贄李德裕執政引白敏中爲翰林學士及其失勢則敏中乘上下之怒竭力排之李昉待盧多遜以不疑及多遜

言於上則毀昉不直一錢冠準薦丁謂於李沆及其拂殺之陳則逐準  
雷州藉之奇黨歐陽修譏議以悅修及之奇進則許修以自解趙鼎張  
浚咸薦秦檜及檜擅國柄則傾陷鼎浚不亡陳循屢薦徐有貞及擅奪  
門之功則有貞弗敢循而斥逐內閣諸臣殆盡故料其常弗料其幻者  
顧人之量思其順更思其反者智士之機若鷹飢附飽則遠飛豺狼威  
性食人以肥花有開而笑春風草有茂而喜夏畦心有白而轉晦迹有  
比而倏離數有極而必反理有解而適疑天有晴而變陰人有樂而驟  
悲物有微而寢長事有怪而益奇故讀書論世所以廣識疆恕求仁所  
以誠欺甯仁勝義毋義勝仁所以體物甯爾負我毋我負爾所以壹懷  
大而容之以紓其變祥爲不知之以毋觸其私辭舊德不居之以毋奪  
其榮對於衆毋媚笑之以隱其非養之廉恥甯之歲月以鍊其悟其不  
悟也丹更譬之以自亂其所爲詩曰青青子佩悠悠我思縱我不往子

甯不來又曰於乎小子告爾舊止聽用我謀庶無大悔此言君子能以其和周旋於傾危之士也若乃說事忼慨談道靜嶮賢人君子樹之風聲標榜所至電疾雷并浸流遂廣靡有紀經是非雜設愚後恣行託於清流啖爾嘉名上曰黨人國有常刑乃錮乃禁乃籍乃陵下曰黨人實所依憑乃湯乃火職思其馨上曰黨人匪邪則狂乃盡乃賊乃蠲乃蠲下曰黨人以匡典常乃古乃今厥斷而償上下相戰厥施焉皇雖則天也由人不祥積氣成戾裂體成創必假巨物背虐以戕故漢以甘陵南北部之爭而宦官借之捕鉤黨以危漢室唐以牛李構怨而白馬驛之禍凡縉紳不與梁者柳璨誣焉朋黨貶死數百人宋以洛蜀朔三黨交惡而章惇蔡京頡頏榜奸黨於端門伸其紹述之說以斬盡宋之元氣明以東林黨人更相傾軋而甲申之變不能毋魁其罪於亡國之臣故意見之勝以一時禍患之作以百年門戶之立以一二風尚之非以

千萬人無遠慮者忽於近壤全局者執其偏日行百里而趨之千里者  
疲其馬謂室有賊而一炬焚之者喪其椽故處清濁不可以太察調水  
火不可以不權總紀綱不可以爲怨栴唱文學不可以與毀謗毋聖己  
愚衆毋獵次居前毋借公義以酬私憤毋挾盛氣以宜普言毋展談詭  
以啟羣小毋肆攻抵以成孤寡毋使操左道者證儒術之不可爲用毋  
使張周羅者快善類之靡所不捐毋視性命爲贅旋血流薦紳而弗悔  
毋視時勢爲碁局龜移姓氏而弗憐詩曰溫溫恭人如集于木惴惴小  
心如臨于谷戰戰兢兢如履薄冰此言君子能戒慎恐懼以不離於和  
也若乃國勢如寄其亡其亡魚游于金鷲巢於堂爾憂爾懼則猶有祥  
雨弗憂懼命不於常日將隕矣迺圖其光畝既枯矣迺計其糧邱山不  
惜鴻毛自強喪心作醜則莫不偃故宋至新法橫行而國危矣而王安  
石之復日與盈廷戰其然不然至南渡而國更微矣而黃潛善汪彥伯

力排李綱秦檜力排張浚趙鼎以壞其恢復之計至海濱而國更微矣而陳宜中動以臺諫論人卽忠如陸秀夫者先謫而後召焉明至遼東不守而國微矣而熊廷弼王化貞不相爲用以至於敗至流賊而國更微矣而楊嗣昌不能駭策左良玉進止齟齬賊勢遂橫至福王而國更微矣而馬士英阮大鍼居中間執俾史可法不得展布故厓谷不直者側勢不削星斗不及者鬼物不辟公義不重者私忿不釋大力不舉者小語不塞故可爲而爲匪一名一物之謂也不可爲而且爲之匪一手一足之烈也不可已而不已蓋樹智仁勇義爲策力也可已而更不已蓋通天地人物爲消息也旣欲居之母汙之旣欲葆之母埽之旣欲儀之母疵之旣欲率之母室之旣欲秉之母梗之旣欲根之母繁之母抱薪而救火火彌甚毋毀瀆而止水水彌甚毋吞冰而療寒寒彌甚毋揚湯而止沸沸彌甚毋拯溺而授之石溺彌甚毋去病而毒以藥病彌甚



故處難而不校勞佚者志慮忠純者也處晦昧而不校短長者體段  
充實者也處參差而不校愛憎者性行淑均者也處曲折而不校然疑  
者品節簡易者也不簡易者多端而好詐不淑均者賊心而好狠不充  
實者撓震駭而好移不忠純者負固而好騁好詐者天所厭好狠者神  
所怒好移者民所嘩好騁者物所辟詩曰節彼南山維石巖巖赫赫師  
尹民具爾瞻憂心如惓不敢戲談國既卒斬何用不監此言君子不和  
則不能收一髮千鈞之力於危急存亡之秋也於乎虎兕狐兔不絕於  
山蛟龍蝦蟹不絕於海丹砂烏喙竝入名醫小人君子竝列當代我稽  
於古載證以今曾無誕生君子不生小人之天地天地於是乎爲能和  
矣曾無福庇君子罰必及小人之神元神元於是乎爲能和矣曾無盡  
屠戮小人獨留君子之帝王帝王於是乎爲能和矣曾無掖進君子不  
節取小人之聖賢聖賢於是乎爲能和矣能和則能處能處則能化能

化則能福故鎮朝廷莫如福致福莫如和致和莫如中

釋和下

浮邱子曰中庸之言曰中也者天下之大本也和也者天下之達道也不中則不和不和則不行故天以和成其高地以和永其甯日月以和發其光山川以和飭其靈四時以和調其順五行以和叶其平八音以和宣其鬱五味以和納其馨故君和則氣不闕臣和則職不荒君和則不作智雄不涉駕馭不作智雄則輔拂剖心不涉駕馭則封疆戮力能剖心則輔拂和輔拂和則啟沃共啟沃共則國本貞能戮力則封疆和封疆和則利病共利病共則民願償故君和則臣和大臣和則小臣和大臣懷忮則小臣造其端以徇所說大臣怛易則小臣壹其職不敢以他大臣噪囂則小臣競其風以關所捷大臣端靜則小臣息其談不敢以紛拏大臣參差則小臣詭其辨以辟所忌大臣畫一則小臣襄其事

不敢以疵瑕大臣豪斷則小臣居其間以倚所重大臣嚙退則小臣懷其德不敢以頗故小大秩則百官和百官和則萬民和萬民和則萬物和萬民和則働作息働作息則無倍畔萬物和則大豐殖大豐殖則無天札詩曰樂只君子福履綏之和之至也雖然和之至非同也同之似非和也孔子曰君子和而不同小人同而不和故君不可以苟同於臣臣不可以苟同於君君苟同於臣則遷就而已矣不然則私愛憎而已矣不然則不可振刷而已矣臣苟同於君則阿諛而已矣不然則怯而已矣不然則其中無有而已矣故大臣不可以苟同於小臣小臣不可以苟同於大臣大臣苟同於小臣則供文法舞弄而已矣不然則所好非其材而已矣不然則厭事其事而已矣小臣苟同於大臣則飾和平以結其知而已矣不然則倚勢取快而已矣不然則聽密囑以便私圖而已矣故君臣和者國必昌君臣苟同者國必傷大小之臣和者國必

舉大小之臣皆苟同者國必荒昔晏子言於景公曰君所謂可而有不可焉臣獻其死以成其可君所謂不可而有可焉臣獻其死以去其不可是以政平而不干民無爭心今據不然君所曰可據亦曰可君所曰死據亦曰死若以水濟水誰能食之若琴瑟之專一誰能聽之同之不可也如是子思言於衛侯曰君之國是其日非矣君出言自以爲是而卿大夫莫敢矯其非卿大夫出言亦自以爲是而士庶人莫敢矯其非君臣既自賢矣而羣下同聲贊之贊之則順而有福矯之則逆而有禍如此則善安從生於乎晏子之所惡於同恩和者也子思之所惡於同賦和者也恩和者無義類賦和者無血脈無義類者其道喪無血脈者其心死李斯師賢人而苟同於二世公孫治儒術而苟同於孝武道喪也夫張禹孔光不知進退而苟同於外戚惠卿韓絳不知善敗而苟同於新法心死也夫然而道喪者不自謂喪道之外又生道焉心死者不自謂死

心之外又生心焉是何也諱其苟同之道而號於人以爲忠厚長者之道也諱其苟同之心而號於人以爲婉孌稚子之心也凡忠厚長者之道不設畦畛而彼之惡隘亡歸似之以爲惡隘亡歸大可羞以爲忠厚長者轉可敬故道之外又生道焉凡婉孌稚子之心不辟機械而彼之頑鈍亡恥似之以爲頑鈍亡恥大可羞以爲婉孌稚子轉可恕故心之外又生心焉然而道之外又生道君子不以爲道焉心之外又生心君子不以爲心焉是何也忠厚長者今之所謂無用古之所謂有用也婉孌稚子今之所謂有差古之所謂無差也凡感天地而通神元靡不自其忠厚長者之道主宰焉被勸焉而彼何知焉方且懷謏迷國謂忠厚長者本不足爲及其身敗名裂然後自居長者以塞天下之議故君子不以爲道焉凡蓄道德而施仁義靡不自其婉孌稚子之心胎息焉旁魄焉而彼何知焉方且黨奸作勝謂婉孌稚子本不足爲及其衆畔親

離然後自坐稚子以丐天下之憐故君子不以爲心焉君子不以爲道則必使之道吾道不以爲心則必使之心吾心吾道何道也大道也直道也吾心何心也初心也正心也大道根乎性直道根乎氣初心根乎天正心根乎聖根乎性者能善而不能惡之道根乎氣者能剛而不能柔之道匪苟同之道也根乎天者能存而不能亡之心根乎聖者能壹而不能雜之心匪苟同之心也詩曰百爾所思不如我所之戒苟同也且夫冥冥而行者見寢石以爲伏虎也見植木以爲後人也故紆其體遁其詞號於當代以爲能和而羣無知者又貢其諛詞夸其盛德以爲能和而不有君子取和同而界畫之是何異於石爲虎而木爲人也邪

### 原宗

浮邱子曰親親仁也尊賢義也親賢異體仁義異用左右低昂唯其素定涇清渭濁厥流以分內握明鏡照物如神毋曰親非其親凡枝必歸

其根毋曰親不子歟同宗而異其心毋曰親必賢性行材慮其或不然  
毋曰非親而賢不可倚杖繫古之勛則安所放是故君子私其親以恩  
毋私其親以政私其親以故毋私其親以兵私其親以政謂之不中私  
其親以兵謂之不祥伯有歷三世而執政柄於是乎汰侈而身不免季  
平子歷四公而政自出於是乎蘊蓄而民生心故曰私其親以政不中  
者也鄭伯失教於是乎太叔繕甲兵而不可以爲弟衛莊公弗教其子  
以義方於是乎州吁好兵而不可以爲子故曰私其親以兵不祥者也  
唯政唯兵公天下之物也唯仁唯義公天下之心也公天下之物唯賢  
者足以提挈之公天下之心唯聖者足以葆固之是故鴻有異川有楫  
屋有棟馬有轡唯聖唯賢懋乃績聖不得賢百憂集我嘗汎覽古今之  
故思宗親而毒天下者何其代相踵而人相師也周之天下犬戎桡之  
始皇亡之而繡葛一戰則君臣之義鄭伯先廢之矣漢之天下王莽桡

之曹操亡之而孝景刻薄則吳楚七國先鮮之矣晉之天下五胡桡之劉裕亡之而孝惠昏愚則倫同穎趙先自爲殲賊之矣唐之天下武曌桡之朱全忠亡之而世民功高則建成元吉先欲譖殺之矣宋之天下遼金桡之蒙古亡之而德昭自刎則晉王先負金匱之誓矣明之天下也先桡之流賊亡之而建文仁弱則燕王先張靖難之軍矣我國曰疑今者察之古不知來者視之往且夫周漢晉唐宋明之毒亦既睹聞之矣爾乃擅政而莫能格君擅兵而莫能衛國匪唯莫格之又阿偏之匪唯阿偏之又汙染之匪唯莫衛之又解弛之匪唯解弛之又嬖竊之不通訓典不能操履不修忠悃不攷材實下以壅遏英賢樹立慷慨之氣上以積怒彼蒼時其風雨雷霍之災內以蠹蝕羣黎百姓怨咨塞路外以騰笑遠裔荒服長厥驕橫者斯何人乎斯何人乎於乎唯宗唯親唯天是稽君子以歌棠棣之詩唯宗唯親唯禮是綏君子以歌行葦之詩



禮不可降材不必齊天不可擊人不必奇農擇其未女擇其絲瓜粟雖  
弊毋補以黃狗之皮使羊將狼劣不勝狂蓬蒿代柱乃顛乃偃昔周公  
曰予小子旦非克有正廼惟前人光施於我沖子賈生曰諸侯王雖名  
爲臣實皆有布衣昆弟之心慮亡不帝制而天子自爲者於乎明德如  
周公數千年而一人直道如賈生數百年而一人吾聞其語矣未見其  
人也是故周公可作我則美其勤勞王家周公不作而不周公者悻悻  
焉又喑喑焉我則疑其慘傷國脈是何也無周公之材則擅制作以肆  
紛更而已矣無周公之心則假居攝以成亂賊而已矣賈生可作我則  
美其痛哭而策宗蕃賈生不作而不賈生者踰踰焉又躍躍焉我則疑  
其比周而樹輿援是何也無賈生之識則料諸侯王不及於遠無賈生  
之骨則與諸侯王交通權欣而已矣我聞曰人之相去如九牛毛大周  
公之與不周公賈生之與不賈生此其相去豈直九牛毛云爾乎是故

不周公而宵周公者其勢必爲新布之攝臨測之變奪天下如反掌豈  
而代之惡聲而抱道憂時不逮賈生萬分之一者其勢必爲桀奇開章  
客於劉安何晏鄧鸞黨於曹爽助逆謀如從風扇火以毒物如之何  
其可也是故勤勞王家者不可得也慘傷國服者不可使也痛哭而策  
宗藩者不可拒也比周而樹與援者不可開也上下四旁以求仁賢不  
可緩也戒慎恐懼以積風夜不可懈也是故君子修身以知人知人以  
事天

### 原輔

浮邱子曰國有輔屋有柱柱不力則屋幾覆輔不力則國將傾毋覆屋  
者擇大木毋傾國者擇賢人毋舉肥者數本實毋浮文妨要者操履存  
毋己意謂可者羣所敬毋計資序者壯其勛是故大廷必有特大君必  
有畏有特足以任重有畏足以格非攷古今而論斷之觀天人而了悟

之排羣疑而發舒之鼓衆愚而禽從之是謂有特裏精白而心膂之秉  
正直而威儀之抑驕蹇而繩墨之洗幽獨而藥石之是謂有畏道力勝  
則毋憚艱大性行勝則毋桯曲私志量勝則毋撓震駭義氣勝則毋苟  
晏安是謂任重倚杖甚則毋作疑謀敬禮甚則毋卽亂德許與其則毋  
文譽悔馮依甚則毋就阿偏是謂格非詩曰有馮有翼有孝有德以引  
以翼豈第君子四方爲則不其然乎於乎世晚而道降天鑿而材捐柄  
藉欺今人血脈媿古賢聖夔不作周邵就堙淳心已矣遠圖了焉是故  
反乎有特謂之庸反乎有畏謂之狎反乎任重謂之弱反乎格非謂之  
佞庸輔坐尊昧狎輔雜姪荒弱輔失事會佞輔亂典常知其一而疑其  
二舉其纖而棄其巨貪寵利而毋卹其他是謂坐尊昧司候意言而釣  
其悅破行檢盜名器而忘其醜是謂雜姪荒可安而不可危可靜而不  
可動可守一規而不可指麾萬有可假仰從人而不可自出其胸中之

智斷是謂失事會顛黑以爲白造無以爲有諱四方之是非利病以寬  
主慮塞百喙之諫爭以便己私是謂亂典當於乎國之善敗是在秉鈞  
言爲物嚮行爲世根毋曰遲晚緊誰是擇毋曰主咎緊誰是承毋曰未  
然妖孽與併毋曰不知其然竄端匿跡愈益分明是故短轡歷險靡不  
償殘膏燭暗靡不惛狂代龜卜靡不左臯奪鳳巢靡不傾詩曰赫赫師  
尹民具爾瞻憂心如惓不敢戲談國旣卒斬何用不監不其然乎是故  
明鏡所以照形古事所以知今勸懲在史乘淑慝在平生是故君要其  
輔也以四輔之自彙也亦以四君要其輔以四云何鄭簡公用公孫僞  
唯僞是聽齊桓公用管夷吾唯夷吾是聽昭烈用諸葛亮唯亮是聽符  
堅用王猛唯猛是聽是輔也言足以信於君焉能足以重於國焉是故  
有志者聞其風則孰不驩忻鼓舞願爲魚水一氣之事焉上所魚水一  
氣者而非其人也則羣聽之所駭也上所魚水一氣者而其人可仰也

則孰不鋪其體用本末起而任天下之重焉此爲君之要其輔一矣項羽用范增與增不終拓拔用崔浩與浩不終唐德宗用陸贄與贄不終宋真宗用寇準與準不終是輔也謀不能攷其成焉材不能盡其施焉是故有識者論其事則孰不憤恨太息引爲枘鑿不入之戒焉上所枘鑿不入者而當其人也則公論之所快也上所枘鑿不入者而其人可惜也則孰不韜其言論丰采退而居庸人之後焉此爲君之要其輔二矣房杜相則使斯人由而不知朱朴相則制出而斯人大驚是輔也一爲衆庶庇焉一爲衆庶唾焉是故大君之愛惡不可馮觀乎衆庶而得愛惡焉衆庶愛其愛而大君惡其愛衆庶惡其惡而大君愛其惡大君云何不孤立衆庶云何不騖動焉此爲君之要其輔三矣王安石相則交趾書之露布以詆其罪司馬光相則遣主敕其邊吏毋齟齬生事是輔也一爲外夷媿焉一爲外夷敬焉是故中朝之是非不可馮觀乎外夷

而得是非焉外夷是其是而中朝是其非外夷非其非而中朝非其是  
中朝云何不剝落外夷云何不褒昌焉此爲君之要其輔四矣輔之自  
嚴以四云何蕭何賢則援曹參諸葛賢則援蔣琬仁傑賢則援東之士  
安賢則援寇準是輔也於己則榮焉於人則利焉以氣類之感辭吾道  
以天地之心辭吾友以舉能其官辭吾君以普被其澤辭吾代是故大  
力者善援引則賢之後又杖賢焉杖賢者亡不安則庇人材以庇社稷  
焉此爲輔之自要一矣公孫奸則擠仲舒林甫奸則擠九齡秦檜奸則  
擠趙鼎惟庸奸則擠劉基是輔也於己則利焉於人則梗焉以心跡不  
可暴露爲屏異己以文其詐以首尾不可變更爲斥大敵以苟其安以  
物我不可周徧爲塞賢路以旁其門以禍福不可揣知爲結黨人以申  
其誓是故大力者善擠墜則奸之後又長奸焉長奸者亡不危則毒人  
材以毒社稷焉此爲輔之自要二矣曰瞿方進爲通明相曰杜林爲任

職相曰謝安爲風流宰相曰杜景佺李絳爲眞宰相曰李沆爲聖相曰  
杜衍爲清白宰相是輔也在當時有譽焉在萬代有譽焉是故可譽則  
譽爲當時萬代之公道焉雖有之而不居其本實稱之而不受其令名  
而末由焉雖恢奇多聞之辨欲折其不然怨家仇人之口欲捃拾其不  
可而末由焉此爲輔之自取三矣曰田千秋爲車丞相曰盧懷慎爲伴  
食宰相曰關播爲盲宰相曰楊再思爲癡宰相曰王欽若爲癭相曰丁  
謂爲鶴相曰陳升之爲瘞相曰王珪爲三旨相公曰萬安爲萬歲閣老  
曰李春芳嚴訥郭朴袁煒爲青詞宰相是輔也在當時有譏焉在萬代  
有譏焉是故可譏則譏爲當時萬代之清議焉雖工閃爍變化以辟其  
鋒剽竊皇古近似以止其謗而末由焉雖密遣所親愛以爲之解廣張  
捷給有力之口以爲之辨而末由焉此爲輔之自取四矣詩曰不稼不  
穡胡取禾三百廛兮不狩不獵胡瞻爾庭有縣貆兮彼君子兮不素殫

今言輔自取不可以不嚴也又曰有鸞在梁有鶴在林維彼碩人實勞我心言君嚴其輔不明白也君嚴其輔不明白於是求治俞孟賈亂俞多辟猶裁衣不擇其工必不冀矣輔自取不嚴於是竊位俞久滔天俞甚辟猶器過其量而求不覆必不冀矣是故閭閻而蘇草木乃榮循名而馳輔乃綢繆唯實唯名如矢斯投唯善唯敗視汝謀猷善一敗百輔恥莫賁善百敗一輔唯底厲有善無敗輔不虛大有輔有君國家乃泰

原傳

浮邱子曰儲貳天下之根本也師傅儲貳之根本也道學師傅之根本也凡爲師傅容止欲飭以安性行欲淳以善睹記欲賡以詳指歸欲壹以顓聖狂賢否欲劃以明操捨存亡欲厲以斷上下古近欲條以舉成敗利顓欲懸以中此之謂道學實道學實然后足以數於是數之賢傳勿濫數之文傳勿陋數之行傳勿弛數之言傳勿瘖數之慈祥傳勿苛



教之謹愿俾勿軼教之謙冲俾勿驕教之精敏俾勿缺教之儉儉俾勿  
隘教之潤澤俾勿枯教之智慧俾勿蠢教之彊毅俾勿蕙雖然教之而  
有不入利用誠於是闢其昧蒙則誠之闢其燕靖則誠之闢其踴夷踞  
肆則誠之闢其紛輪構扇則誠之闢其呪意於佳佚也則誠之闢其縱  
情於夸詡也則誠之闢其悅耳於阿諛也則誠之闢其就材於僕遼也  
則誠之闢其存心於蟻齧也則誠之闢其刻骨於慘戚也則誠之闢其  
苟簡不中禮義也則誠之闢其滿綱不主忠信也則誠之闢其鬱悼不  
順性命也則誠之闢其刻戾不循名分也則誠之昔者舜命夔曰教胃  
子直而溫寬而戾剛而無虐簡而無慘且夫曲不若直塞不若寬柔不  
若剛煩不若簡此夔之所以教也然而直不足於溫寬不足於栗剛必  
流於虐簡必流於慘此夔之所以誠也教不至不可以申輔導誠不至  
不可以塞蔽虧雖然教誠備至矣能化乎能成乎凡化不可以驟成不

可以小化不可以驟云何爲委性驚下者然爾成不可以小云何爲委  
性傷上者然爾凡委性驚下者積之誠以通之積之勲修以齊之積之  
年齒歲月以深之積之艱鉅以懲艾之磨礱之積之耳提目觸以精神  
之積之悔悟而遷思回慮以醒之積之從容漸漬以庶幾其自得之凡  
委性傷上者樹之文物以廣之樹之品節以嫻之樹之德以篤實輝光  
之樹之材能伎藝以左宜右有之樹之天地民物以兼包併該之樹之  
天人王霸毫釐杪忽之辨以毋敢恣心而自爲之樹之本末始終以無  
所不一致之孔子曰中人以上可以語上也中人以下不可以語上也  
此言凡教人者必因其材而篤而況於儲貳乎是故驟化則梗徐化則  
悟小成則賢大成則聖雖然能化能成則師傅之事也能擇則禮用師  
傳者之事也周之昌也文王實使太公望傳太子發而望實有助勞於  
周秦之跽也始皇實使趙高教胡亥書而高實爲毒於秦是故一藉一

薰厥臭攸分一涇一渭厥流攸逖毋使己意度其然而以古意度其然毋使私議譽其可而以公議譽其可毋使虛聲居其特而以宿望居其特毋使庸末預其選而以博大預其選故曰道學師傅之根本也師傅儲貳之根本也儲貳天下之根本也

### 原封

浮邱子曰國之倚杖蓋有兩大輔拂治內封壇治外凡爲封壇毋就晏樂所以練躬毋厭艱大所以理民毋矜急智所以守淳毋積舊染所以作新毋造煩苛所以省事毋就儼鄙所以樹志毋膠意見所以善治毋工粉飾所以底實毋庇私愛所以服物毋數遷怒所以馭氣毋繁書記所以慎交毋崇貨賄所以不怙毋辱儒行所以興賢毋任宵小所以止愆毋構然疑所以白君毋襍醇疵所以格天毋生蠶蠟所以慎動毋顯名分所以存重毋涉蒼黃所以鎮患毋短幹畧所以抹髮是故封壇可

兼輔拂可兼將帥禮曰大德不官大道不器大信不約大時不齊蓋有  
取乎兼也曷兼輔拂乎爾凡風雨雷電之作水潦旱乾之成封壇咸自  
省焉與輔拂之變理陰陽奚以異凡隱忌壅蔽之情摧傷剝落之狀封  
壇咸上陳焉與輔拂之獻替可否奚以異昔張建封刺史徐州因來朝  
而婁進忠譙韓琦安撫河北雖在外而不忘王室是謂以封壇兼輔拂  
曷兼將帥乎爾凡智如源泉而辨繁勞勇如山岳而摧梟敢者封壇之  
特也雖古所稱大將無以過焉凡兵皆爪牙而熟行陣民皆心腹而作  
忠義者封壇之傲也雖古所稱健將無以過焉昔陶侃都督八州而芟  
夷魏虜神機獨斷王守仁杖節楚粵而掃除寇賊所向無前是謂以封  
壇兼將帥詩曰挹彼注茲可以濯漑夫水且以彼兼茲而況於封壇乎  
是故封壇兼輔拂則格君非不忠無人格君非不忠無人則君以之遷  
善改過而爲德性之福封壇兼將帥則禦君嬖不忠無人禦君嬖不忠

無人則君以之撥亂反正而爲宗祏之福詩曰左之左之君子宜之右之右之君子有之維其有之是以似之言乎能兼則能爲福也且夫驚驥不可以一塗駘也爭絃不可以膠柱調也操荀道以量人物賢豪所以不出也處末流而趣風氣聞葺所以得志也故凡封疆而不可以兼輔拂也者則天人體用不具天人體用不具則泥於所熟聞見而苟且補苴以小其規摹苟且補苴以小其規摹則愚其若而諛太平凡封疆而不可以兼將帥也者則文武材畧不具文武材畧不具則猝遇緩急非常而柔懦怖伏以苟存其喘息柔懦怖伏以苟存其喘息則坐視其民帖於死亡而無如何語曰毋貽盲者鏡毋予斃者履焉有智計與育筵等而俾之杖鉞羣雌以建無前之績者乎是故魁於貌者福於心肥於肉者弱於骨甘於言者鬼於行夸於名者舛於實固於寵者絕於天與於援者拂於物震於驟者衰於末舉於細者荒於巨易曰負且乘致

寇至負也者小人之事也乘也者君子之器也小人而乘君子之器盜思奪之矣是故天下盛治則得矣天下而際中晚之運則閭井之盜邊塞之盜必奮臂大呼麾城擄邑起而與封壇爲難封壇能職能力則得矣封壇不職不力則盜奪封壇猶反手必橫衝直突連交合衆進而與朝廷爲難大者大戎踣周五胡踣晉契丹踣晉蒙古踣宋其次張角燒漢孫恩燒晉黃巢燒唐張李燒明挺劍彎弓揭竿斬木賊義毀信忿心瞪目梟鳴蛇飛鹿駭狼顧土崩瓦解車奔舟覆我聞曰不有臭穢則蒼蠅不飛是故君子毋罪蒼蠅而罪臭穢毋罪盜而罪朝廷罪封壇也孰使盜與封壇爲難也者此朝廷不慎簡封壇而好執其左見爲能意料人涉以大槩爲能不繩削人不戒其前事之敗爲能浣濯披拂人而盜得以闢其淺深了無懾憚之故孰使朝廷不慎簡封壇也者此左右侍從薦其姻亞夸其門徒利其膏腴廣其苞苴第耽耽焉以封壇爲美秩

而不知其爲中外鎖鑰治亂樞機之故孰使盜與朝廷爲難也者此封  
壇不能翼戴朝廷而上下古今治亂興衰不詳於學天時當祥地形利  
頗不詳於心良莠縉儒彼己虛實不詳於計而盜得以陸梁放肆其  
所如之故孰使封壇不能翼戴朝廷也者此朝廷未有知人之詰捨品  
節而取福澤捨性行而取狀貌魁梧奇偉捨老成淳樸而取辯對捷給  
捨憂勤而取飲食醉飽賄舞太平直踰踰焉以封壇爲兒戲而不知其  
猝膺疑難暴露底裏之故此四故者封壇之所以壞社稷之所以危也  
我聞曰政有招寇行有招恥又曰養癰長疽自生禍殃夫招之而寇恥  
不至養之而禍殃不生不可得也是故封壇與盜爲消長者也盜與天  
下國家爲消長者也封壇之道長則盜之道消封壇之道消則盜之道  
長天下國家之運長則盜之運消天下國家之運消則盜之運長且夫  
不能逆睹者天也不可忤激者人也不能驟平者勢也不可督亂者分

也危機既發大難不止而遲遲焉不爲之所不阨要害不嫻技擊不整軍令不破敵誘如魚游於沸鼎之中而鷺巢於飛幕之上是謂忼湫之封壇上不振刷國恥下不磨厲士氣而貿貿焉操其懦計拙舉土地可割金錢可捐名器可假體統可壞如放猛虎以自衛而倒持太阿之柄以授人是謂贅亂之封壇是豈唯不能兼輔拂兼將帥已乎夫忼湫是亦一盜也贅亂是亦一盜也是何說也昔萬章惡諸侯不義而取之於民猶禦人於國門之外孟子曰夫謂非其有而取之者盜也充類至義之盡也今有其罪浮於非有而取萬萬者則豈不畏其見棄於孟子之徒矣乎是故天下盜而盜者無他畏畏駭除畏誅殛而已矣不盜而盜者無他畏畏充類至義之盡而已矣悲夫充類盡義此君子之愛書也此君子之弓矢斧鉞也君子有讀書論世之識則不得不著悲天閔人之心有悲天閔人之心則不得不伸樹好跽輒之力有樹好跽輒之力



則不得行充類盡義之事充忤激者之盡則天下豈復有不可斷送之社稷山河充替亂者之盡則天下豈復有不可穢濁之日月星辰夫斷送社稷山河穢濁日月星辰天下之盜無大於此而於是乎君子不得不以其正言莊論代爰書不得不以其大聲疾嘽代弓矢斧鉞不得不治忤激替亂之封壇俾天下聞之而色然駭曰與盜同科不得不治朝廷所倚以辨盜之封壇俾朝廷聞之而憬然悟曰與盜同實不得不僭局外之身而問局中之盜不得不破羣奉之愚而發獨見之盜不得不旁皇乎一世而指方州之盜不得不積乎一瞬而料數十百年之盜而惜乎杖道之公而洗恩私之毒熒幾之先而窮事變之計者蓋亦鮮矣詩曰君子信盜亂是用暴盜言孔甘亂是用餒悲夫盜有孔甘之言必有大不祥之行君子有信盜之癖必有捐所有以予盜之慘是猶積薪而待燃懸筭而招墮吾惡能障其事變之極邪昔鄭莊爲周之懿親

而繻葛一戰首獵周綱是盜周也朱溫亦唐之節度而大梁受冊卒灰唐祚是盜唐也吾惡知夫鄭莊朱溫其人者其種類果絕於代邪吾惡知夫獵周綱而灰唐祚之故智不且潛伏於怵激瞽亂之中邪吾惡知夫心盜之心者不且吐朝廷之情實以媚盜借盜爲聲援以危朝廷邪吾惡知夫行盜之術者不且先割據而後莽吞先闕伺而後攘竊邪且夫不可知而可知可知而不可知之人之事幸而其人其事不至于是也則吾言虛而朝廷有泰山之福不幸而其人其事果至于是也則吾言實而朝廷有非常之禍是故郝疵料韓魏而中諸葛亮料魏延而中王猛料慕容垂而中張九齡料安祿山而中竇默料王文統而中茲五子者借朝廷非常之禍以快其知人論世之明非其願也言未然則嚴者哂言必然則智者怒及乎天下之大事去則吾末如之何非其幸也易曰臣弑其君子弑其父非一朝一夕之故其所由來者漸矣由辯之

不早辨也是故朝廷不可以毋知人封疆不可以毋立己立己云何日以履道抱德爲體以旋乾轉坤爲用以修明禮樂爲文以力能戡暴除亂削株掘根爲武以智勇不離學問爲材以忠孝不負君父爲情以名正然后言順言順然后事成爲序以行一不義殺一不辜而得天下不爲爲守八者毋缺乃可以封疆乃經乃緯乃邦家之光乃兼輔拂乃兼將帥萬夫之望乃鐘乃鼎厥譽無央乃精乃神則罔有戾於風霜

### 審任

浮邱子曰君子自任以道任人以政任道以學任政以材學不遠則道不明道不明則材不辨材不辨則政不舉政不舉則國不昌書曰知人則哲惟帝其難之且夫不知人則固不能任人矣不任人則固不能治天下矣上之如堯舜湯武之聖下之如漢唐宋明之令主其古近低昂有別其無獨治天下之理則鈞也是故可以獨治然且與其臣共治之

者聖而昌不可以獨治然且與其臣共治之者賢而詳其君不治勿使  
其臣治之者傲而荒其君亟欲治使非其人治之者躁而盲所謂使非  
其人治之何稽焉爾乃樹詞華而整儀容則曰此公輔之具也惡知公  
輔所職者天人陰陽吉凶消長而豈詞華儀容之謂矣乎爾乃析章句  
而擷膚末則曰此師儒之具也惡知師儒所職者上下古今聖狂出入  
而豈章句膚末之謂矣乎爾乃理錢穀而折刑獄則曰此封疆之具也  
惡知封疆所職者山川民物善敗豐耗而豈錢穀刑獄之謂矣乎爾乃  
傳親戚而修廉善則曰此將帥之具也惡知將帥所職者文武經權操  
縱歛闢而豈親戚廉善之謂矣乎爾乃樹私愛而廢公論則曰此吾之  
所冀公輔也師儒也封疆也將帥也非夫人人所得議其低昂然不之  
等者也惡知扶一心一目之橫間執天下議論之口而豈與衆共之之  
謂矣乎爾乃禮大寮而薄下士則曰斯人而不可以公輔也師儒也封

壻也將帥也更亡其人可與於家國天下之故者也惡知五當路之榮  
唾斥草茅伏處曹司末秩之聖詰賢傑而豈與人爲善之謂矣乎且夫  
三代上之聖詰自於世胄者十亡過四五自於草茅伏處而理太平者  
十常六七焉三代下之賢傑自於巍顯者十亡過二三自於曹司末秩  
而樹豐功碩德明名廣譽者十常五六焉是何也世胄而不聖詰肥甘  
累之也傲嬌累之也草茅伏處而甲於世胄者非天地之心不存非古  
今之脈不討非臯夔稷契不入非孔曾思孟不爲博學而詳說擇善而  
固守仰觀而俯察內方而外圓體用本末無不具君臣上下無不通是  
謂聖詰巍顯而不賢傑氣炎累之也邊幅累之也曹司末秩而甲於衆  
顯者無飲食醉飽以薰心意無譏諂面諛以蔽耳目無顛倒然疑以賣  
名聲無恐惕禍福以摧顏狀澹泊而甯靜保任而戒懼變動而光明曲  
折而洞深理道事勢無不詳機緘符驗無不合是謂賢傑我不敢知曰

今之聖詰而必不自於世胄也我亦不敢知曰今之世胄而有刻意厲  
行實不削而名不辱者也我不敢知曰今之賢傑而必不自於貌類也  
我亦不敢知曰今之貌類而有不佻佻不蕞蕞上爲國而下爲民者也  
我不敢知曰今之草茅伏處而有聖詰其人也我亦不敢知曰今之草  
茅伏處而亡聖詰其人可以戡禍亂而理太平者也我不敢知曰今之  
曹司末秩而有賢傑其人也我亦不敢知曰今之曹司末秩而亡賢傑  
其人可以樹豐功碩德明名廣譽於無既者也且夫玉隱石間珠匿魚  
腹非玉工珠師其孰能採之而孰能得之唯人亦然道高者無近用物  
博者有廣居義壹者無雜設體重者有厚儲是故良賈深藏若虛盛德  
容貌若愚粗之不見其有精之不見其無是故溺近而閉遠者智不及  
席尊而傲卑者仁不俱不見知而不悔者我常泰知其人而不與立者  
世常枯昔公叔文子之臣大夫僕與文子同升諸公孔子聞之曰可以

爲文矣臧文仲知柳下惠之賢而不與立也孔子曰其竊位者與夫孔子不慶大夫僎之遭也而嘉公叔文子能知人忘己也不爲柳下惠怨尤也而惡臧文仲蔽賢忘國也此孔子所以風天下也孟子曰舜發於畎畝之中傳說舉於版築之間膠鬲舉於魚鹽之中管夷吾舉於士孫叔敖舉於海百里奚舉於市故天將降大任於是人也必先苦其心志勞其筋骨餓其體膚空乏其身行拂亂其所爲所以動心忍性增益其所不能夫孟子不愛舜說諸人以姑息也而知動心忍性不可以少也不謂天不降大任也而舜說諸人其尤大章明較著者也此孟子所以自況其平生也我不敢知曰今有動心忍性如舜說諸人者我亦不敢知曰今亡動心忍性如舜說諸人而積於庫賤之久譬而自傷壞於尊嚴之勢卻而不得前孤於援繫而旁門曲實不敢入畏於傾陷而毒心諂口幾不能解免者也我不敢知曰今亡知人忘己如公叔文子者我

亦不敢知曰今有知人忘己如公叔文子而毋涉以大意謂流輩無人  
毋徇以私心非親故不舉毋匿其性行材慮之所不足致忌克於勝己  
毋格其君臣魚水之所有餘工薦達於庠棧者也我不敢知曰今有蔽  
賢忘國如臧文仲者我亦不敢知曰今亡蔽賢忘國如臧文仲而樹吾  
道之幟則訾其爲僞學遵先王之法則駭其爲狂舉一故之不消彌則  
倡言朝野爲之不靜一言之不傳會則惡其崖岸因而中傷之者也詩  
曰鳳凰鳴矣于彼高岡梧桐生矣于彼朝陽萋萋離離雖啗啗今有  
鳳凰而毋借之梧桐有梧桐而不鳳凰者據焉於鳳凰亡損也於天之  
所以生鳳凰與斯代斯人之所以待鳳凰而爲福祿者則何如乎是故  
善爲室者求大木於市而不得已也則必求之長林深谷而有之善  
爲政者求聖喆賢傑於世胄顯顯而不得已也則必求之草茅伏處  
曹司末秩而有之有而不求謂之漏求而不有謂之誣已而不求謂之



勸求而不已謂之摯非其人不求謂之慎非其人不有謂之最是故不可公輔而彊使之不可師儒而彊使之不可封壇而彊使之不可將帥而彊使之謂之債可公輔而故遲之可師儒而故遲之可封壇而故遲之可將帥而故遲之謂之啻聞不公輔者之可公輔悔公輔其不可公輔者聞不師儒者之可師儒悔師儒其不可師儒者聞不封壇者之可封壇悔封壇其不可封壇者聞不將帥者之可將帥悔將帥其不可將帥者謂之轉奪不可公輔者之公輔予可公輔而不公輔者奪不可師儒者之師儒予可師儒而不師儒者奪不可封壇者之封壇予可封壇而不封壇者奪不可將帥者之將帥予可將帥而不將帥者謂之稱天地之寶日星河嶽之所注而公輔之師儒之封壇之將帥之於是其人不虛生謂之特道德之肩內聖外王之所寄而公輔之師儒之封壇之將帥之於是其人爲不虛傳謂之信鏡初心則知禮樂佩直道則知

兵刑體日用則知民物相氣候則知天地而公輔之師儒之封疆之將  
帥之於是其人爲不負夙夜謂之懷智者則舉其本末愚者則伺其出  
處近者則量其動靜遠者則問其安否而公輔之師儒之封疆之將帥  
之於是其人爲不負天下謂之廣是故無所有而欺天下謂之盜有所  
有而干天下謂之市毋干於天下而我私之謂之隘毋私於我而天下  
忘之謂之舛我蓄積其所有而天下敬之因而光輝之者謂之亨我發  
廩其所有而天下享之因而福祿之者謂之極爲公輔則天人陰陽吉  
凶消長在其度內謂之良爲師儒則上下古今聖狂出入在其度內謂  
之正爲封疆則山川民物善敗豐耗在其度內謂之裕爲將帥則文武  
經權操縱歛闢在其度內謂之雄可以我而鑄天下之爲公輔可以我  
而鑄天下之爲師儒可以我而鑄天下之爲封疆可以我而鑄天下之  
爲將帥鑄焉而勉勉焉而成成焉而齊齊焉而盛者謂之大可以我而

孕萬代之爲公輔可以我而孕萬代之爲師儒可以我而孕萬代之爲  
封疆可以我而孕萬代之爲將帥孕焉而慕慕焉而合合焉而定定焉  
而熟者謂之久易曰可久則賢人之德可大則賢人之業書曰官不及  
私昵惟其能爵罔及惡德惟其賢且夫私昵惡德適足踴壞天下久大  
德業而已是故君子毋使盲辨色毋使聲辨聲毋使吃司言毋使蹇司  
行君子而盲聲吃蹇之使則必於其可倚杖者腹心之爪牙之是故  
稟其指者識其方稽其情者披其竅拯其急者料其平理其巨者挈其  
要吐其忠者善其謀去其慾者嚴其操蓄其實者副其譽習其勞者果  
其傲語曰裁衣擇其工裁國索其人諛惡有不索其人而當其任者乎  
惡有不當其任而幾幸其可以爲治者乎且夫不當其任而幾幸其可  
以爲治則君子不信焉未能操刀而使割錦君子以爲傷矣未能射御  
而使獲禽君子以爲覆矣家有敝帚享之千金君子以爲僑矣狐裘雖

與剝皮是補君子以爲毒矣土牛木馬將似而非君子以爲不可倚仗  
矣巨魚赴壑嬰兒釣之君子以爲不可撓矣焦僥戴山填塗塞海君  
子以爲不可紀極矣拙工運斤庸醫療病君子以爲不可許與矣易曰  
德薄而位尊知小而謀大力小而任重鮮不及矣悲夫一身之及於禍  
與社稷之不血食子孫黎民之不能保孰輕孰重乎孰職其咎乎

### 訓史

浮邱子曰記言勳之謂史書善敗之謂史傳今人善敗毋自私而暴白  
於千齡萬代焉之謂史傳千齡萬代觀今人善敗如不及如探湯焉之  
謂史傳一其善者百善將歸一其敗者百敗將歸焉之謂史傳百其善  
者一敗可恕百其敗者一善可錄焉之謂史傳百其善一其敗者竟無  
能數其百恕其一其敗一其善者竟無能捨其百錄其一焉之謂史  
傳無能數其百恕其一者淬厲以惇百善戒一敗無能捨其百錄其一

者泮厲以塞百敗充一善焉之謂史是故以聖人之有惠德而畏史以  
賢人之有小過差而畏史以天子之尊而畏史以諸侯之強大而畏史  
以姦雄之橫無所不摧靡而畏史以巧倣佞兌之尤無所不蠱惑撓滑  
而畏史以婦寺之稍知禮節而畏史以細民淺夫之一念激叩而畏史  
是故權有三大曰天曰君曰史天之權掌生殺君之權掌黜陟史之權  
掌褒譏爾乃應生而殺史於是乎以褒代生應殺而生史於是乎以譏  
代殺應陟而黜史於是乎以褒代陟應黜而陟史於是乎以譏代黜是  
故天不兼史史兼天君不兼史史兼君非大聖賢其孰能兼天兼君而  
無遺憾者乎是故孔子作春秋聖而史朱子修綱目賢而史其他取箇  
云爾者或博而史則網羅得失以成其材或激而史則發抒事物以寄  
其情或緘而史則馳騫文辭以耀其采或簡而史則芟除枝葉以紮其  
體爾乃天運降則史亦降人心降則史亦降諱真書似理偏詞半是謂

廢史臣醜夸美骨脆語柔是謂佞史質不成幹文不成采是謂陋史俗不入今典不入古是謂浮史親然后附貴然后稱是謂勢史金然后通帛然后吮是謂利史雜然后備衆然后舉是謂市史請然后書覽然后存是謂奴史邇不井井遠更芒芒是謂鬱史俊不察察愚更懵懵是謂盲史野老錚錚朝評則橫是謂驕史稗編繁繁國書則歧是謂繆史疑史害詐佞史害良陋史害譽浮史害據勢史害實利史害廉市史害實奴史害直鬱史害伸盲史害明驕史害敬繆史害正於乎霧不揭者天不青鯨不烹者江不平陳言不介者文不立淺衷不藥者史不成世有君子爾惟時其懲此十二史爾如不懲史何以稱史如不稱世何以明世如不明政何以存政如不存道何以行是故賤其人則賤其史賤其史則賤其世賤其世則賤其政賤其政則賤其道史賤則染翰操紙者之羞也世賤則執樞馭宇者之羞也政賤則讚皇庀國者之羞也道賤

則仇經茹古者之羞也如欲去四賤滌四羞則良史氏盍作乎

訓使

浮邱子曰國有使使有義行乎八義而缺焉是爲八忝行乎八義而傲焉是爲八稱孔子曰使乎使乎蓋難其人也八義維何一曰察謠俗採方言則使之二曰弔冤荒恤孤窮則使之三曰理獄訟雪冤抑則使之四曰詰奸宄平僂擾則使之五曰舉孝秀備官材則使之六曰懲貪墨振吏治則使之七曰禮鄰封結鄉慕則使之八曰祭山川歆神明則使之八忝維何一曰智不足以察謠俗採方言則測其著述其隱拾其一遺其百二曰仁不足以弔冤荒恤孤窮則美其名虧其實揀其末稿其本三曰辨不足以理獄訟雪冤抑則偏其聽售其欺倒其情豐其毒四曰勇不足以詰奸宄平僂擾則短其畧罔其方損其威長其寇五曰學

不足以舉孝秀備官材則貢其粗屏其奇選其醜儻其良六曰守不足以懲貪墨振吏治則投其濁塞其清冒其似壞其真七曰信不足以禮鄰封結鄉墓則多其求取其侮挑其怒生其變八曰忠不足以祭山川歆神明則將其薄生其厭違其衷擣其罰九稱維何一曰和氣以入之旁搜以廣之捨跡以神之然后能察諸俗採方言二曰推心以威之立制以宜之去蠹以利之然后能弔冤荒恤孤窮三曰度衷以比之卽事以訪之窮根以治之然后能理獄訟雪冤抑四曰杖義以臨之操算以勝之抵巇以迫之然后能詰奸宄平倣擾五曰服古以深之饒物以明之先望以帥之然后能舉孝秀備官材六曰克己以正之敷法以齊之滌污以新之然后能懲貪墨振吏治七曰布公以懾之辭令以敷之年代以永之然后能禮鄰封結鄉墓八曰慎獨以盟之威儀以舉之所禱以申之然后能祭山川歆神明是故古者於使臣還則歌四牡以勞之



其往也則歌皇華以遣之四牡之詩曰王事靡盬我心悲傷又曰王事靡盬不遑啟處又曰王事靡盬不遑將父又曰王事靡盬不遑將母君勞使臣何其摯也皇華之詩曰載馳載驅周爰咨諏又曰載馳載驅周爰咨謀又曰載馳載驅周爰咨度又曰載馳載驅周爰咨詢君遣使臣又何其詳也是故主榮其臣則使之願臣毋自辱以辱其主主賈其臣則使之願臣毋自愚以愚其主凡自辱以辱其主者無志節者也凡自愚以愚其主者無材行者也語曰蹇牛折角不能載粟君子不取也是故優於軀幹劣於志節者勿使之優於志節劣於風議者勿使之優於學殖劣於材行者勿使之優於材行劣於德意者勿使之主所溺勿使之國有謗勿使之往而必禍勿使之勞不爲功勿使之是故晏嬰不入狗門穆叔重拜皇華陸賈能折椎髻費祿敬佩寶刀賢而使使而榮者也樂祈飲酒被執慶封賦詩不知鄭興私買奴婢羅讓莫能措言愚而

使吏而辱者也左氏之言曰遷除不可使晚賊施不可使仰僇饒不可  
使暴汰需不可使褻縻搜不可使視露瘡不可使言雲積不可使聽  
僮昏不可使謀於平凡厥使臣其尙銜乃命肅將乃事毋若遷除厥尤  
僇係儒縻腹露瘡縻僮昏然以觀於古行人之職

### 訓令

浮邱子曰與君近孰如相與民近孰如令相不聖君乃差令不賢民乃  
憂是故相可爲而有不可爲也令可爲而無不可爲也相可爲而有不  
可爲者君之然疑愛憎無準也是故君子思爲相令可爲而無不可爲  
者民之德怨歸脩有準也是故君子樂爲令且夫守令固有並重之執  
古之爲守也以察令以理民今之爲守也祿不足以自贖則不能毋仰  
食於令旣仰食於令又欲察令則不能毋生肘腋之虞旣生肘腋之虞  
則不得不迂出於不察令旣不察令則守爲虛設而寄民事於令旣

端寄民事於令則令有權既有權則令之不善者雖肆荼毒於民而守  
莫可如何民既遭令之荼毒則爲守者下負其民上負其君是故君子  
甯爲令而不爲守爲守則思其不足以爲善也爲令則樂其可以捨不  
善而爲善也曷樂乎爾哺其飢煦其寒民乃驩迪其愚安其賤民乃練  
塞其濃熄其爭民乃平障其微燭其隱民乃恐忠信以淑之廉恥以激  
之民乃臧風俗乃龐父母以兌之神明以虔之民乃祥宗祏乃昌孔子  
曰君子之德風小人之德草草上之風必偃風之於草令之於民一而  
已矣是故令之善否民必身之而必心之善百否一民歌其百忘其一  
善百否十民歌其百恕其十善否彊半民歌其半疑其半善不敵否民  
乃嘲有否無善民乃焦狂盜入室物乃枵餽女善淫男乃逃曾子曰戒  
之戒之出乎爾者反乎爾者也夫民反之而不得以罪民之不情則更  
何顏面以晏然爲令焉是故至公唯民至慎唯令爲令不愼厥政在心

選令不愼厥疵在政奴隸而蓄之則奴隸而報之仁賢而敷之則仁賢而踐之蓄以奴隸謂之慢報以奴隸謂之橫敷以仁賢謂之厚踐以仁賢謂之忠傳曰樹於有禮艾人必豐焉有朝廷不思所以樹令而觀其社稷人民之寄者乎是故令之善否君必親之而必致之相必詳之而必與之母曰庠未爲民福禍母曰疏邀與國休戚母曰不可洗刷非其賢者振以恥母曰不可騰竊拔其尤者劾以耻善哉宋陳求魯之言曰今宜採夏侯太初併省州郡之議俾縣令得以自達於朝廷用宋元嘉六年爲斷之法俾縣令得以究心於撫字法藝祖出朝紳爲令之典以重其權遵光武擢卓茂爲三公之意以激其氣於乎求魯之言龜鑑也今之視令草芥也草芥不刪不可以植大木龜鑑不拭不可以照幽夜國不重令不可期利駐害令不予民不可以安上全下是故阿諛上官者辱其躬貪墨不謹創民脂膏者賊其心水旱盜賊饑寡孤獨廢疾不

問者毒其民曖昧隱蔽不可告人者禍其子孫詩曰豈弟君子民之父  
母夫豈以強教之第以說安之不豈弟不能爲父母不待智者而知其  
然也是故治郢父如窳不齊治鄭如西門豹治中牟如魯恭治太邱如  
陳寔令之師也國之寶也是故柄國而不重令猶柄家而不愛子也柄  
家者不愛子子不可以毋自愛柄國者不重令令不可以毋自重孔子  
曰不患莫己知求爲可知也生今之世爲今之令其唯自求其阿好倖  
於知而妄獵取毋愠於不知而反積薄也乎